


41641









# OFFICIUM

IN

# NATIVITATE DOMINI

AD

## MATUTINUM.

## HORAE & VESPERAE

### FESTORUM I. CLASSIS

IN

## ECCLESIA CATHEDRALI LABACENSI

### DECANTARI SOLITAE

CUM

## COMPLETORIO

&

## MISSA

ANNEXA.

*J. G. G. G.*  
*J. G. G. G.*

---

---

LABACI 1856.

TYPIS & SUMPTIBUS JOSEPHI BLASNIK.

41641



# OFFICIUM

IN

## NATIVITATE DOMINI.

Ad Matutinum.

Ante Matutinum dicitur secreto :

**P**ater noster. Ave Maria. Credo.

Deinde clara voce dicitur :

**V.** Domine labia mea aperies.

**R.** Et os meum annuntiabit laudem tuam.

**V.** Deus in adiutorium meum intende.

**R.** Domine ad adjuvandum me festina.

Gloria Patri, et Filio, et Spiritui sancto :  
Sicut erat in principio, et nunc, et semper,  
et in saecula saeculorum. Amen. Alleluja.

*Invitatorium.* Christus natus est nobis : \*  
Venite adoremus. Repetitur.

**Psalmus 94.**

**V**enite, exultemus Domino, jubilemus Deo  
salutari nostro : praeoccupemus faciem ejus  
in confessione, et in psalmis jubilemus ei.

Quoniam Deus magnus Dominus, et Rex  
magnus super omnes deos : quoniam non re-

pellet Dominus plebem suam, quia in manu ejus sunt omnes fines terrae, et altitudines montium ipse conspicit.

Quoniam ipsius est mare, et ipse fecit illud, et aridam fundaverunt manus ejus: venite adoremus, et procidamus ante Deum; ploremus coram Domino, qui fecit nos; quia ipse est Dominus Deus noster: nos autem populus ejus, et oves pascuae ejus.

Hodie si vocem ejus audieritis, nolite obdurare corda vestra, sicut in exacerbatione secundum diem tentationis in deserto: ubi tentaverunt me patres vestri, probaverunt et viderunt opera mea.

Quadraginta annis proximus fui generationi huic, et dixi, Semper hi errant corde: ipsi vero non cognoverunt vias meas, quibus juravi in ira mea, si introibunt in requiem meam.

Gloria Patri, et Filio, et Spiritui sancto: Sicut erat in principio, et nunc, et semper, et in saecula saeculorum. Amen.

### Hymnus.

**J**esu Redemptor omnium,

Quem lucis ante originem

Parem Paternae gloriae

Pater supremus edidit:

Tu lumen et splendor Patris,

Tu spes perennis omnium,

Intende quas fundunt preces  
Tui per orbem servuli.

Memento, rerum Conditor,  
Nostri quod olim corporis,  
Sacrata ab alvo Virginis  
Nascendo, formam sumpseris.

Testatur hoc praesens dies  
Currens per anni circulum,  
Quod solus e sinu Patris  
Mundi salus adveneris.

Hunc astra, tellus, aequora,  
Hunc omne quod coelo subest,  
Salutis Auctorem novae  
Novo salutat cantico.

Et nos beata quos sacri  
Rigavit unda Sanguinis,  
Natalis ob diem tui  
Hymni tributum solvimus.

Jesu, tibi sit gloria,  
Qui natus es de Virgine,  
Cum Patre, et almo Spiritu,  
In sempiterna saecula. Amen.

### In primo Nocturno.

*Antiph.* Dominus dixit ad me: Filius meus  
es tu, ego hodie genui te.

#### Psalmus 2.

**Q**uare fremuerunt Gentes, \* et populi me-  
ditati sunt inania?



Astiterunt reges terrae, et principes convenerunt in unum \* adversus Dominum, et adversus Christum ejus.

Dirumpamus vincula eorum: \* et projiciamus a nobis jugum ipsorum.

Qui habitat in coelis, iridebit eos: \* et Dominus subsannabit eos.

Tunc loquetur ad eos in ira sua, \* et in furore suo conturbabit eos.

Ego autem constitutus sum Rex ab eo super Sion montem sanctum ejus, \* praedicans praeceptum ejus.

Dominus dixit ad me: \* Filius meus es tu, ego hodie genui te.

Postula a me, et dabo tibi Gentes hereditatem tuam, \* et possessionem tuam terminos terrae.

Reges eos in virga ferrea, \* et tamquam vas figuli confringes eos.

Et nunc reges intelligite: \* erudimini qui judicatis terram.

Servite Domino in timore, \* et exultate ei cum tremore.

Apprehendite disciplinam, ne quando irascatur Dominus, \* et pereatis de via justa.

Cum exarserit in brevi ira ejus, \* beati omnes, qui confidunt in eo.

Gloria Patri &c. Sicut erat &c. *post singulos Psalmos.*

*Antiph.* Dominus dixit ad me: Filius meus es tu, ego hodie genui te.

*Antiph.* Tamquam sponsus Dominus procedens de thalamo suo.

### Psalmus 18.

**C**oeli enarrant gloriam Dei, \* et opera manuum ejus annuntiat firmamentum.

Dies diei eructat verbum, \* et nox nocti indicat scientiam.

Non sunt loquelaе, neque sermones, \* quorum non audiantur voces eorum.

In omnem terram exivit sonus eorum: \* et in fines orbis terrae verba eorum.

In sole posuit tabernaculum suum: \* et ipse tamquam sponsus procedens de thalamo suo.

Exultavit ut gigas ad currendam viam, \* a summo coelo egressio ejus.

Et occursum ejus usque ad summum ejus: \* nec est qui se abscondat a calore ejus.

Lex Domini immaculata, convertens animas: \* testimonium Domini fidele, sapientiam praestans parvulis.

Justitiae Domini rectae, laetificantes corda: \* praeceptum Domini lucidum, illuminans oculos.

Timor Domini sanctus, permanens in saeculum saeculi: \* judicia Domini vera, justificata in semetipsa.



Desiderabilia super aurum et lapidem pretiosum multum: \* et dulciora super mel et favum.

Etenim servus tuus custodit ea, \* in custodiendis illis retributio multa.

Delicta quis intelligit? ab occultis meis munda me: \* et ab alienis parce servo tuo.

Si mei non fuerint dominati, tunc immaculatus ero: \* et emundabor a delicto maximo.

Et erunt ut complaceant eloquia oris mei: \* et meditatio cordis mei in conspectu tuo semper.

Domine adjutor meus, \* et redemptor meus.

*Antiph.* Tamquam sponsus Dominus procedens de thalamo suo.

*Antiph.* Diffusa est gratia in labiis tuis, propterea benedixit te Deus in aeternum.

### Psalmus 44.

**R**ructavit cor meum verbum bonum: \* dico ego opera mea Regi.

Lingua mea calamus scribae, \* velociter scribentis.

Speciosus forma prae filiis hominum, diffusa est gratia in labiis tuis: \* propterea benedixit te Deus in aeternum.

Accingere gladio tuo super femur tuum, \* potentissime,

Specie tua, et pulchritudine tua \* intende, prospere procede, et regna,

Propter veritatem, et mansuetudinem, et

justitiam: \* et deducet te mirabiliter dextera tua.

Sagittae tuae acutae, populi sub te cadent, \* in corda inimicorum regis.

Sedes tua Deus in saeculum saeculi: \* virga directionis virga regni tui.

Dilexisti justitiam, et odisti iniquitatem: \* propterea unxit te Deus, Deus tuus oleo laetitiae prae consortibus tuis.

Myrrha, et gutta, et casia a vestimentis tuis, a domibus eburneis: \* ex quibus delectaverunt te filiae regum in honore tuo.

Astitit regina a dextris tuis in vestitu deaurato, \* circumdata varietate.

Audi filia, et vide, et inclina aurem tuam: \* et obliviscere populum tuum, et domum patris tui.

Et concupiscet Rex decorem tuum: \* quoniam ipse est Dominus Deus tuus, et adorabunt eum.

Et filiae Tyri in muneribus \* vultum tuum deprecabuntur, omnes divites plebis.

Omnis gloria ejus filiae Regis ab intus, \* in fimbriis aureis circumamicta varietatibus.

Adducentur Regi virgines post eam: \* proximae ejus afferentur tibi.

Afferentur in laetitia, et exultatione: \* adducentur in templum Regis.

Pro patribus tuis nati sunt tibi filii: \* constitues eos principes super omnem terram.

Memores erunt nominis tui \* in omni generatione et generationem.

Propterea populi confitebuntur tibi in aeternum, \* et in saeculum saeculi.

*Antiph.* Diffusa est gratia in labiis tuis, propterea benedixit te Deus in aeternum.

*V.* Tamquam sponsus.

*R.* Dominus procedens de thalamo suo.

*Pater noster.*

*Absolutio.* Exaudi Domine Jesu Christe preces servorum tuorum, et miserere nobis: qui cum Patre et Spiritu sancto vivis et regnas in saecula saeculorum. *R.* Amen.

*V.* Jube domne benedicere.

*Benedictio.* Benedictione perpetua benedicat nos Pater aeternus. *R.* Amen.

Tres sequentes Lectiones Isaiae leguntur sine titulo.

Lectio I. Cap. 9.

**P**rimo tempore alleviata est Terra Zabulon, et Terra Nephthali: et novissimo aggravata est via maris trans Jordanem Galilaeae Gentium. Populus qui ambulabat in tenebris, vidit lucem magnam: habitantibus in regione umbrae mortis, lux orta est eis. Multiplicasti Gentem, et non magnificasti laetitiam. Laetabuntur coram te, sicut qui laetantur in messe, sicut exultant victores capta praeda, quando dividunt spolia. Jugum enim oneris ejus, et virgam humeri ejus, et sceptrum

exactoris ejus superasti, sicut in die Madian. Quia omnis violenta praedatio cum tumultu, et vestimentum mistum sanguine, erit in combustionem, et cibus ignis. Parvulus enim natus est nobis, et filius datus est nobis, et factus est principatus super humerum ejus: et vocabitur nomen ejus, Admirabilis, Consiliarius, Deus, Fortis, Pater futuri saeculi, Princeps pacis. Tu autem Domine miserere nobis. **R.** Deo gratias.

*Sic dicitur in fine singularum Lectionum.*

**R.** Hodie nobis coelorum Rex de Virgine nasci dignatus est, ut hominem perditum ad coelestia regna revocaret: \* Gaudet exercitus Angelorum, quia salus aeterna humano generi apparuit.

**V.** Gloria in excelsis Deo, et in terra pax hominibus bonae voluntatis. **G.** Gaudet exercitus. **G.** Gloria Patri.

Et repetitur **R.** Hodie nobis. usque ad **V.** Gloria in excelsis.

**V.** Jube domne benedicere.

**Benedictio.** Unigenitus Dei Filius nos benedicere et adjuvare dignetur. **R.** Amen.

*Lectio II. Cap. 40.*

**C**onsolamini, consolamini popule meus, dicit Deus vester. Loquimini ad cor Jerusalem, et advocate eam, quoniam completa est malitia ejus, dimissa est iniquitas illius: sus-



cepit de manu Domini duplicia pro omnibus peccatis suis. Vox clamantis in deserto: Parate viam Domini, rectas facite in solitudine semitas Dei nostri. Omnis vallis exaltabitur, et omnis mons et collis humiliabitur: et erunt prava in directa, et aspera in vias planas. Et revelabitur gloria Domini: et videbit omnis caro pariter quod os Domini locutum est. Vox dicentis: Clama. Et dixi: Quid clama- bo? Omnis caro foenum, et omnis gloria ejus quasi flos agri. Exiccatum est foenum, et cecidit flos, quia spiritus Domini sufflavit in eo. Vere foenum est populus: exiccatum est foenum, et cecidit flos: Verbum autem Domini nostri manet in aeternum. Tu autem.

**R.** Hodie nobis de coelo pax vera descendit: \* Hodie per totum mundum melliflui facti sunt coeli.

**V.** Hodie illuxit nobis dies redemptionis novae, reparationis antiquae, felicitatis aeternae. Hodie per.

**V.** Jube domne benedicere.

**Benedictio.** Spiritus sancti gratia illuminet sensus et corda nostra. **R.** Amen.

**Lectio III. Cap. 52.**

**C**onsurge, consurge, induere fortitudine tua Sion, induere vestimentis gloriae tuae Jerusalem, civitas sancti: quia non adjiciet ultra, ut pertranseat per te incircumcisis, et im-

mundus. Excutere de pulvere, consurge, sede Jerusalem: solve vincula colli tui captiva filia Sion. Quia haec dicit Dominus: Gratis venundati estis, et sine argento redimemini. Quia haec dicit Dominus Deus: In Aegyptum descendit populus meus in principio, ut colonus esset ibi: et Assur absque ulla causa calumniatus est eum. Et nunc quid mihi est hic, dicit Dominus, quoniam ablatus est populus meus gratis? Dominatores ejus inique agunt, dicit Dominus, et jugiter tota die nomen meum blasphematur. Propter hoc sciet populus meus nomen meum in die illa: quia ego ipse, qui loquebar, ecce adsum. Tu autem.

**R.** Quem vidistis pastores? Dicite, annuntiate nobis, in terris quis apparuit? \* Natum vidimus, et choros Angelorum collaudantes Dominum.

**V.** Dicite quidnam vidistis? Et annuntiate Christi nativitatem. **Natum.** **Gloria Patri.** **Natum.**

### In secundo Nocturno.

**Antiph.** Suscepimus Deus misericordiam tuam in medio templi tui.

#### Psalmus 47.

**MI**agnus Dominus, et laudabilis nimis \* in civitate Dei nostri, in monte sancto ejus.

Fundatur exultatione universae terrae mons Sion, \* latera Aquilonis civitas Regis magni.

Deus in domibus ejus cognoscetur, \* cum suscipiet eam.

Quoniam ecce reges terrae congregati sunt, \* convenerunt in unum.

Ipsi videntes sic admirati sunt, conturbati sunt, commoti sunt: \* tremor apprehendit eos.

Ibi dolores ut parturientis, \* in spiritu vehementi conteres naves Tharsis.

Sicut audivimus, sic vidimus in civitate Domini virtutum, in civitate Dei nostri: \* Deus fundavit eam in aeternum.

Suscepimus Deus misericordiam tuam, \* in medio templi tui.

Secundum nomen tuum Deus, sic et laus tua in fines terrae: \* justitia plena est dextera tua.

Laetetur mons Sion, et exultent filiae Judae, \* propter judicia tua Domine.

Circumdate Sion, et complectimini eam: \* narrate in turribus ejus.

Ponite corda vestra in virtute ejus: \* et distribuite domos ejus, ut enarretis in progenie altera.

Quoniam hic est Deus, Deus noster in aeternum, et in saeculum saeculi: \* ipse reget nos in saecula.

*Antiph.* Suscepimus Deus misericordiam tuam in medio templi tui.



*Antiph.* Orietur in diebus Domini abundantia pacis, et dominabitur.

**Psalmus 71.**

**D**eus iudicium tuum regi da: \* et iustitiam tuam filio regis:

Judicare populum tuum in iustitia, \* et pauperes tuos in iudicio.

Suscipiant montes pacem populo, \* et colles iustitiam.

Judicabit pauperes populi, et salvos faciet filios pauperum: \* et humiliabit calumniatorem.

Et permanebit cum sole, et ante lunam, \* in generatione et generationem.

Descendet sicut pluvia in vellus, \* et sicut stillicidia stillantia super terram.

Orietur in diebus ejus iustitia, et abundantia pacis, \* donec auferatur luna.

Et dominabitur a mari usque ad mare, \* et a flumine usque ad terminos orbis terrarum.

Coram illo procident Aethiopes: \* et inimici ejus terram lingent.

Reges Tharsis, et insulae munera offerent: \* Reges Arabum, et Saba dona adducent.

Et adorabunt eum omnes reges terrae, \* omnes Gentes servient ei.

Quia liberabit pauperem a potente: \* et pauperem, cui non erat adjutor.

Parcet pauperi, et inopi: \* et animas pauperum salvas faciet.

Ex usuris, et iniquitate redimet animas eorum: \* et honorabile nomen eorum coram illo.

Et vivet, et dabitur ei de auro Arabiae, et adorabunt de ipso semper: \* tota die benedicent ei.

Et erit firmamentum in terra in summis montium, superextolletur super Libanum fructus ejus: \* et florebunt de civitate sicut foenum terrae.

Sit nomen ejus benedictum in saecula: \* ante solem permanet nomen ejus.

Et benedicentur in ipso omnes tribus terrae: \* omnes Gentes magnificabunt eum.

Benedictus Dominus Deus Israel, \* qui facit mirabilia solus:

Et benedictum nomen majestatis ejus in aeternum: \* et replebitur majestate ejus omnis terra: fiat, fiat.

*Antiph.* Orietur in diebus Domini abundantia pacis, et dominabitur.

*Antiph.* Veritas de terra orta est, et justitia de coelo prospexit.

### Psalmus 84.

**B**enedixisti Domine terram tuam: \* avertisti captivitatem Jacob.

Remisisti iniquitatem plebis tuae: \* operuisti omnia peccata eorum.

Mitigasti omnem iram tuam: \* avertisti ab ira indignationis tuae.

Converte nos Deus salutaris noster: \* et averte iram tuam a nobis.

Numquid in aeternum irasceris nobis? \* aut extends iram tuam a generatione in generationem?

Deus tu conversus vivificabis nos: \* et plebs tua laetabitur in te.

Ostende nobis Domine misericordiam tuam, \* et salutare tuum da nobis.

Audiam quid loquatur in me Dominus Deus: \* quoniam loquetur pacem in plebem suam;

Et super sanctos suos: \* et in eos, qui convertuntur ad cor.

Verumtamen prope timentes eum salutare ipsius: \* ut inhabitet gloria in terra nostra.

Misericordia, et veritas obviaverunt sibi: \* justitia, et pax osculatae sunt.

Veritas de terra orta est: \* et justitia de coelo prospexit.

Etenim Dominus dabit benignitatem: \* et terra nostra dabit fructum suum.

Justitia ante eum ambulabit: \* et ponet in via gressus suos.

*Antiph.* Veritas de terra orta est, et justitia de coelo prospexit.

*V.* Speciosus forma prae filiis hominum.

*R.* Diffusa est gratia in labiis tuis.

Pater noster.

*Absolutio.* Ipsius pietas et misericordia nos

adjuvet, qui cum Patre et Spiritu sancto vivit et regnat in saecula saeculorum. **R.** Amen.

**V.** Jube domne benedicere.

**Benedictio.** Deus Pater omnipotens sit nobis propitius et clemens. **R.** Amen.

Sermo sancti Leonis Papae.

**Ser. 1. de Nativ. Domini. Lectio IV.**

**S**alvator noster, dilectissimi, hodie natus est, gaudeamus. Neque enim fas est locum esse tristitiae, ubi natalis est vitae: quae, consumpto mortalitatis timore, nobis ingerit de promissa aeternitate laetitiam. Nemo ab hujus alacritatis participatione secernitur. Una cunctis laetitiae communis est ratio: quia Dominus noster peccati mortisque destructor, sicut nullum a reatu liberum reperit, ita liberandis omnibus venit. Exultet sanctus, quia propinquat ad palmam: gaudeat peccator, quia invitatur ad veniam: animetur Gentilis, quia vocatur ad vitam. Dei namque Filius secundum plenitudinem temporis, quam divini consilii inscrutabilis altitudo disposuit, reconciliandam auctori suo naturam generis assumpsit humani, ut inventor mortis diabolus per ipsam, quam vicerat, vinceretur. Tu autem.

**R.** O magnum mysterium, et admirabile sacramentum, ut animalia viderent Dominum natum, jacentem in praesepio: \* Beata Vir-



go, cujus viscera meruerunt portare Dominum Christum.

**V.** Ave Maria, gratia plena: Dominus tecum. Beata Virgo.

**V.** Jube domne benedicere.

**Benedictio.** Christus perpetuae det nobis gaudia vitae. **R.** Amen.

**Lectio V.**

**I**n quo conflictu pro nobis inito, magno et mirabili aequitatis jure certatum est, dum omnipotens Dominus cum saevissimo hoste non in sua majestate, sed in nostra concreditur humilitate: objiciens ei eandem formam, eandemque naturam, mortalitatis quidem nostrae participem, sed peccati totius expertem. Alienum quippe ab hac nativitate est, quod de omnibus legitur: Nemo mundus a sorde, nec infans, cujus est unius diei vita super terram. Nihil ergo in istam singularem nativitatem de carnis concupiscentia transivit, nihil de peccati lege manavit. Virgo regia Davidicae stirpis eligitur, quae sacro gravidanda foetu, divinam humanamque prolem prius conciperet mente, quam corpore. Et ne superni ignara consilii ad inusitatos paveret affatus, quod in ea operandum erat a Spiritu sancto, colloquio discit Angelico: nec damnum credit pudoris, Dei Genitrix mox futura. Tu autem.

**R.** Beata Dei Genitrix Maria, cujus viscera intacta permanent: \* Hodie genuit salvatorem saeculi.

**V.** Beata quae credidit: quoniam perfecta sunt omnia, quae dicta sunt ei a Domino. Hodie.

**V.** Jube domne benedicere.

**Benedictio.** Ignem sui amoris accendat Deus in cordibus nostris. **R.** Amen.

### Lectio VI.

**A**gamus ergo, dilectissimi, gratias Deo Patri, per Filium ejus in Spiritu sancto: qui propter multam charitatem suam, qua dilexit nos, misertus est nostri: et cum essemus mortui peccatis, convivificavit nos Christo, ut essemus in ipso nova creatura, novumque figmentum. Deponamus ergo veterem hominem cum actibus suis: et adepti participationem generationis Christi, carnis renuntiemus operibus. Agnosce, o Christiane, dignitatem tuam: et divinae consors factus naturae, noli in veterem vilitatem degeneri conversatione redire. Memento, cujus capitis, et cujus corporis sis membrum. Reminiscere, quia erutus de potestate tenebrarum, translatus es in Dei lumen et regnum. Tu autem.

**R.** Sancta et immaculata Virginitas, quibus te laudibus efferam, nescio: \* Quia quem coeli capere non poterant, tuo gremio contulisti.

**V.** Benedicta tu in mulieribus, et benedictus fructus ventris tui. Quia. **G**loria. Quia.

### In tertio Nocturno.

*Antiph.* Ipse invocabit me, alleluja: Pater meus es tu, alleluja.

#### Psalmus 88.

**MI**sericordias Domini \* in aeternum cantabo.

In generationem et generationem \* annuntiabo veritatem tuam in ore meo.

Quoniam dixisti: In aeternum misericordia aedificabitur in coelis: \* praeparabitur veritas tua in eis.

Disposui testamentum electis meis, juravi David servo meo: \* Usque in aeternum praeparabo semen tuum:

Et aedificabo in generationem et generationem \* sedem tuam.

Confitebuntur coeli mirabilia tua Domine: \* etenim veritatem tuam in Ecclesia Sanctorum.

Quoniam quis in nubibus aequabitur Domino: \* similis erit Deo in filiis Dei?

Deus, qui glorificatur in consilio Sanctorum: \* magnus, et terribilis super omnes, qui in circuito ejus sunt.

Domine Deus virtutum, quis similis tibi? \* potens es Domine, et veritas tua in circuito tuo.

Tu dominaris potestati maris: \* motum autem fluctuum ejus tu mitigas.



Tu humiliasti, sicut vulneratum, superbum: \* in brachio virtutis tuae dispersisti inimicos tuos.

Tui sunt coeli, et tua est terra, orbem terrae, et plenitudinem ejus tu fundasti: \* Aquilonem, et mare tu creasti.

Thabor, et Hermon in nomine tuo exultabunt, \* tuum brachium cum potentia.

Firmetur manus tua, et exaltetur dextera tua: \* justitia, et judicium praeparatio sedis tuae.

Misericordia, et veritas praecedent faciem tuam: \* beatus populus, qui scit jubilationem.

Domine in lumine vultus tui ambulabunt, et in nomine tuo exultabunt tota die: \* et in justitia tua exaltabuntur.

Quoniam gloria virtutis eorum tu es: \* et in beneplacito tuo exaltabitur cornu nostrum.

Quia Domini est assumptio nostra: \* et sancti Israel Regis nostri.

Tunc locutus es in visione sanctis tuis, et dixisti: \* Posui adjutorium in potente, et exaltavi electum de plebe mea.

Inveni David servum meum: \* oleo sancto meo unxi eum.

Manus enim mea auxiliabitur ei: \* et brachium meum confortabit eum.

Nihil proficiet inimicus in eo, \* et filius iniquitatis non apponet nocere ei.

Et concidam a facie ipsius inimicos ejus: \* et odientes eum in fugam convertam.

Et veritas mea, et misericordia mea cum ipso: \* et in nomine meo exaltabitur cornu ejus.

Et ponam in mari manum ejus, \* et in fluminibus dexteram ejus.

Ipse invocabit me: Pater meus es tu: \* Deus meus, et susceptor salutis meae:

Et ego primogenitum ponam illum, \* excelsum prae regibus terrae.

In aeternum servabo illi misericordiam meam: \* et testamentum meum fidele ipsi.

Et ponam in saeculum saeculi semen ejus: \* et thronum ejus sicut dies coeli.

Si autem dereliquerint filii ejus legem meam: \* et in judiciis meis non ambulaverint.

Si justitias meas profanaverint, \* et mandata mea non custodierint:

Visitabo in virga iniquitates eorum: \* et in verberibus peccata eorum.

Misericordiam autem meam non dispergam ab eo: \* neque nocebo in veritate mea:

Neque profanabo testamentum meum: \* et quae procedunt de labiis meis, non faciam irrita.

Semel juravi in sancto meo, si David mentiar: \* semen ejus in aeternum manebit.

Et thronus ejus sicut sol in conspectu meo, \* et sicut luna perfecta in aeternum: et testis in coelo fidelis.

Tu vero repulisti, et despexisti: \* distulisti Christum tuum.

Evertisti testamentum servi tui: \* profanasti in terra sanctuarium ejus.

Destruxisti omnes sepes ejus: \* posuisti firmamentum ejus formidinem.

Diripuerunt eum omnes transeuntes viam: \* factus est opprobrium vicinis suis.

Exaltasti dexteram deprimentium eum: \* laetificasti omnes inimicos ejus.

Avertisti adjutorium gladii ejus: \* et non es auxiliatus ei in bello.

Destruxisti eum ab emundatione: \* et sedem ejus in terram collisisti.

Minorasti dies temporis ejus, \* perfudisti eum confusione.

Usquequo Domine avertis in finem: \* exardescet sicut ignis ira tua?

Memorare quae mea substantia: \* numquid enim vane constituisti omnes filios hominum?

Quis est homo, qui vivet, et non videbit mortem: \* eruet animam suam de manu inferi?

Ubi sunt misericordiae tuae antiquae Domine, \* sicut jurasti David in veritate tua.

Memor esto Domine opprobrii servorum tuorum, \* (quod continui in sinu meo) multarum Gentium.

Quod exprobraverunt inimici tui Domine, \* quod exprobraverunt commutationem Christi tui.

Benedictus Dominus in aeternum: \* fiat, fiat.

*Antiph.* Ipse invocabit me, alleluja. Pater meus es tu, alleluja.

*Antiph.* Laetentur coeli, et exultet terra ante faciem Domini, quoniam venit.

### Psalmus 95.

**C**antate Domino canticum novum: \* cantate Domino omnis terra.

Cantate Domino, et benedicite nomini ejus: \* annuntiate de die in diem salutare ejus.

Annuntiate inter Gentes gloriam ejus, \* in omnibus populis mirabilia ejus.

Quoniam magnus Dominus, et laudabilis nimis: \* terribilis est super omnes deos.

Quoniam omnes dii Gentium daemonia: \* Dominus autem coelos fecit.

Confessio, et pulchritudo in conspectu ejus: \* sanctimonia, et magnificentia in sanctificatione ejus.

Afferte Domino patriae Gentium, afferte Domino gloriam, et honorem: \* afferte Domino gloriam nomini ejus.

Tollite hostias, et introite in atria ejus: \* adorete Dominum in atrio sancto ejus.

Commoveatur a facie ejus universa terra: \* dicite in Gentibus quia Dominus regnavit.

Etenim correxit orbem terrae, qui non commovebitur: \* judicabit populos in aequitate.

Laetentur coeli, et exultet terra, commo-



veatur mare, et plenitudo ejus: \* gaudebunt campi, et omnia quae in eis sunt.

Tunc exultabunt omnia ligna silvarum a facie Domini, quia venit: \* quoniam venit judicare terram.

Judicabit orbem terrae in aequitate, \* et populos in veritate sua.

*Antiph.* Laetentur coeli, et exultet terra ante faciem Domini, quoniam venit.

*Antiph.* Notum fecit Dominus, alleluja, salutare suum, alleluja.

### Psalmus 97.

**C**antate Domino canticum novum: \* quia mirabilia fecit.

Salvavit sibi dextera ejus: \* et brachium sanctum ejus.

Notum fecit Dominus salutare suum, \* in conspectu Gentium revelavit justitiam suam.

Recordatus est misericordiae suae, \* et veritatis suae domui Israel.

Viderunt omnes termini terrae \* salutare Dei nostri.

Jubilate Deo omnis terra: \* cantate, et exultate, et psallite.

Psallite Domino in cithara, in cithara, et voce psalmi: \* in tubis ductilibus, et voce tubae corneae.

Jubilate in conspectu Regis Domini: \*

moveatur mare, et plenitudo ejus; orbis terrarum, et qui habitant in eo.

Flumina plaudent manu, simul montes exultabunt a conspectu Domini: \* quoniam venit judicare terram.

Judicabit orbem terrarum in justitia, \* et populos in aequitate.

*Antiph.* Notum fecit Dominus, alleluja, salutare suum, alleluja.

*V.* Ipse invocabit me, alleluja.

*R.* Pater meus es tu, alleluja.

Pater noster.

*Absolutio.* A vinculis peccatorum nostrorum absolvat nos omnipotens et misericors Dominus. *R.* Amen.

*V.* Jube domne benedicere.

*Benedictio.* Evangelica lectio sit nobis salus et protectio. *R.* Amen.

Lectio sancti Evangelii secundum Lucam.

*Lectio VII. Cap. 2.*

**I**n illo tempore: Exiit edictum a Caesare Augusto, ut describeretur universus orbis. Et reliqua.

Homilia sancti Gregorii Papae.

*Homilia 8. in Evangelia.*

**Q**uia largiente Domino, Missarum solemniter hodie celebraturi sumus, loqui diu de Evangelica lectione non possumus: sed nos aliquid vel breviter dicere, Redemptoris nostri

nativitas ipsa compellit. Quid est enim, quod nascituro Domino mundus describitur, nisi hoc, quod aperte monstratur, quia ille apparebat in carne, qui electos suos adscriberet in aeternitate? Quo contra de reprobis per Prophetam dicitur: Deleantur de libro viventium, et cum justis non scribantur. Qui bene etiam in Bethlehem nascitur. Bethlehem quippe domus panis interpretatur. Ipse namque est, qui ait: Ego sum panis vivus, qui de coelo descendi. Locus ergo, in quo Dominus nascitur, domus panis antea vocatus est: quia futurum profecto erat, ut ille ibi per materiam carnis appareret, qui electorum mentes interna satietate reficeret. Qui non in parentum domo, sed in via nascitur: ut profecto ostenderet, quia per humanitatem suam, quam assumpserat, quasi in alieno nascebatur. Tu autem Domine.

**R.** Beata viscera Mariae virginis, quae portaverunt aeterni Patris Filium: et beata ubera, quae lactaverunt Christum Dominum: \*  
 Qui hodie pro salute mundi de Virgine nasci dignatus est.

**V.** Dies sanctificatus illuxit nobis: venite Gentes, et adorate Dominum. Qui hodie.

**V.** Jube domne benedicere.

**Benedictio.** Per Evangelica dicta deleantur nostra delicta. **R.** Amen.

Lectio sancti Evangelii secundum Lucam.



## Lectio VIII. Cap. 2. b.

**I**n illo tempore: Pastores loquebantur ad invicem: Transeamus usque Bethlehem, et videamus hoc verbum, quod factum est, quod Dominus ostendit nobis. Et reliqua.

Homilia S. Ambrosii Episcopi.

**V** Lib. 2. in cap. 2. Lucae, circa medium.

Videte Ecclesiae surgentis exordium. Christus nascitur, et pastores vigilare coeperunt: qui Gentium greges, pecudum modo ante viventes, in caulam Domini congregarent, ne quos spiritalium bestiarum, per offusas noctium tenebras paterentur incursus. Et bene pastores vigilant, quos bonus pastor informat. Grex igitur populus, nox saeculum, pastores sunt Sacerdotes. Aut fortasse etiam ille sit pastor, cui dicitur: Esto vigilans, et confirma. Quia non solum Episcopos ad tuendum gregem Dominus ordinavit, sed etiam Angelos destinavit. Tu autem Domine.

**R.** Verbum caro factum est, et habitavit in nobis: \* Et vidimus gloriam ejus, gloriam quasi unigeniti a Patre, plenum gratiae et veritatis.

**V.** Omnia per ipsum facta sunt, et sine ipso factum est nihil. Et vidimus.

Gloria Patri. Et vidimus.

**V.** Jube domne benedicere.

*Benedictio.* Verba sancti Evangelii doceat nos Christus Filius Dei. **R.** Amen.

Lectio sancti Evangelii secundum Joannem.

*Lectio IX. Cap. 1.*

**I**n principio erat Verbum, et Verbum erat apud Deum, et Deus erat Verbum. Et reliqua.  
Homilia S. Augustini Episcopi.

*Tract. 1. Joannem, circa medium.*

**N**e vile aliquid putares, quale consuevisti cogitare, cum verba humana soleres audire, audi quid cogites. Deus erat Verbum. Exeat nunc nescio quis infidelis Arianus, et dicat, quia Verbum Dei factum est. Quomodo potest fieri, ut Verbum Dei factum sit, quando Deus per Verbum fecit omnia? Si et Verbum Dei ipsum factum est; per quod aliud verbum factum est? Si hoc dicis, quia hoc est verbum Verbi, per quod factum est illud: ipsum dico ego unicum Filium Dei. Si autem non dicis verbum Verbi, concede non factum, per quod facta sunt omnia. Non enim per seipsum fieri potuit, per quod facta sunt omnia. Crede ergo Evangelistae. Tu autem Domine miserere nobis. **R.** Deo gratias.

*Deinde dicitur Hymnus SS. Ambr. et Aug.*

**T**e Deum laudamus: te Dominum confitemur.  
Te aeternum patrem: omnis terra veneratur.  
Tibi omnes Angeli, tibi coeli, et universae potestates:

**Tibi Cherubim et Seraphim: incessabili voce proclamant:**

**Sanctus, Sanctus, Sanctus: Dominus Deus Sabaoth.**

**Pleni sunt coeli et terra: majestatis gloriae tuae.**

**Te gloriosus Apostolorum chorus:**

**Te Prophetarum laudabilis numerus:**

**Te Martyrum candidatus laudat exercitus.**

**Te per orbem terrarum, sancta confitetur Ecclesia.**

**Patrem immensae majestatis,**

**Venerandum tuum verum et unicum Filium.**

**Sanctum quoque Paraclitum Spiritum.**

**Tu Rex gloriae Christe.**

**Tu Patris sempiternus es Filius.**

**Tu ad liberandum suscepturus hominem: non horruisti Virginis uterum.**

**Tu devicto mortis aculeo: aperuisti credentibus regna coelorum.**

**Tu ad dexteram Dei sedes: in gloria Patris.**

**Judex crederis esse venturus.**

**Te ergo quaesumus, tuis famulis subveni: quos pretioso Sanguine redemisti.**

**Aeterna fac cum Sanctis tuis: in gloria numerari.**

**Salvum fac populum tuum Domine et benedic haereditati tuae.**

**Et rege eos: et extolle illos usque in aeternum.**

Per singulos dies, benedicimus te.

Et laudamus nomen tuum in saeculum, et in saeculum saeculi.

Dignare Domine die isto: sine peccato nos custodire.

Miserere nostri Domine: miserere nostri.

Fiat misericordia tua Domine super nos: quemadmodum speravimus in te.

In te Domine speravi, non confundar in aeternum.

**V.** Dominus vobiscum.

**R.** Et cum spiritu tuo.

Oremus.

**Oratio.**

Concede, quaesumus omnipotens Deus: ut nos Unigeniti tui nova per carnem nativitas liberet, quos sub peccati jugo vetusta servitus tenet. Per eundem Dominum nostrum Jesum Christum.

**R.** Amen.


**V.** Dominus vobiscum.

**R.** Et cum spiritu tuo.

**V.** Benedicamus Domino.

**R.** Deo gratias.

**Deinde celebratur prima Missa post mediam noctem.**





**HORAE DIURNAE**

ET

**VESPERAE.**

**FESTORUM I. CLASSIS**

IN

**ECCLESIA CATHEDRALI LABACENSI**

**DECANTARI SOLITAE**

CUM

**COMPLETORIO.**

---

BOEAE DITERRAE

VERBENA

FRUTICUM CLASSIS

COLLEGIUM THEOPHILIPPIANUM BUDAPESTIENSIS

DECISSIMIS

COMPLUTURIO.

# AD HORAS.

## AD PRIMAM.

**P**ater noster. **A**ve Maria. **C**redo.

**V.** Deus in adjutorium meum intende.

**R.** Domine ad adjuvandum me festina.

Gloria Patri, et Filio, et Spiritui sancto:  
Sicut erat in principio, et nunc, et semper,  
et in saecula saeculorum. Amen. Alleluja.

*Vel pro temporis diversitate:* Laus tibi Domine,  
Rex aeternae gloriae.

## Hymnus.

**J**am lucis orto sidere  
Deum precemur supplices,  
Ut in diurnis actibus,  
Nos servet a nocentibus.

Linguam refraenans temperet,  
Ne litis horror insonet:  
Visum fovendo contegat,  
Ne vanitates hauriat.

Sint pura cordis intima,  
Absistat et vecordia:  
Carnis terat superbiam  
Potus cique parcitas:

Ut cum dies abscesserit,  
 Noctemque sors reduxerit,  
 Mundi per abstinentiam  
 Ipsi canamus gloriam,  
 Deo Patri sit gloria,  
 Ejusque soli Filio,  
 Cum Spiritu Paraclito,  
 Nunc, et per omne saeculum.

Amen.

*Hic inseritur Antiphona ad Primam Festi infra positi,  
 sed inchoatur tantum.*

**Psalmus 53.**

**D**eus in nomine tuo salvum me fac: \* et  
 in virtute tua judica me.

Deus exaudi orationem meam: \* auribus  
 percipe verba oris mei.

Quoniam alieni insurrexerunt adversum me,  
 et fortes quaesierunt animam meam; \* et non  
 proposuerunt Deum ante conspectum suum.

Ecce enim Deus adjuvat me: \* et Do-  
 minus susceptor est animae meae.

Averte mala inimicis meis: \* et in veritate  
 tua disperde illos.

Voluntarie sacrificabo tibi, \* et confitebor  
 nomini tuo Domine, quoniam bonum est.

Quoniam ex omni tribulatione eripuisti me: \*  
 et super inimicos meos despexit oculus meus.

Gloria Patri &c. Sicut erat &c.

*Dicitur in fine singulorum Psalmorum.*



**Psalmus 118.**

**B**eati immaculati in via, \* qui ambulant  
in lege Domini.

Beati, qui scrutantur testimonia ejus, \*  
in toto corde exquirunt eum.

Non enim qui operantur iniquitatem, \* in  
viis ejus ambulaverunt.

Tu mandasti \* mandata tua custodiri nimis.

Utinam dirigantur viae meae, \* ad cu-  
stodiendas justificationes tuas.

Tunc non confundar, \* cum perspexero  
in omnibus mandatis tuis.

Confitebor tibi in directione cordis: \* in  
eo quod didici judicia justitiae tuae

Justificationes tuas custodiam: \* non me  
derelinquas usquequaque.

In quo corrigit adolescentior viam suam? \*  
in custodiendo sermones tuos.

In toto corde meo exquisivi te: \* ne re-  
pellas me a mandatis tuis.

In corde meo abscondi eloquia tua: \* ut  
non peccem tibi.

Benedictus es Domine: \* doce me justi-  
ficationes tuas.

In labiis meis: \* pronuntiavi omnia judi-  
cia oris tui.

In via testimoniorum tuorum delectatus  
sum, \* sicut in omnibus divitiis.

In mandatis tuis exercebor: \* et consi-  
derabo vias tuas.

In justificationibus tuis meditabor: \* non obliviscar sermones tuos.

**R**etribue servo tuo, vivifica me: \* et custodiam sermones tuos.

Revela oculos meos: \* et considerabo mirabilia de lege tua.

Incola ego sum in terra, \* non abscondas a me mandata tua.

Concupivit anima mea desiderare justificationes tuas, \* in omni tempore.

Increpasti superbos: \* maledicti qui declinant a mandatis tuis.

Aufer a me opprobrium, et contemptum: \* quia testimonia tua exquisivi.

Etenim sederunt principes, et adversum me loquebantur: \* servus autem tuus exercebatur in justificationibus tuis.

Nam et testimonia tua meditatio mea est: \* et consilium meum justificationes tuae.

Adhaesit pavimento anima mea: \* vivifica me secundum verbum tuum.

Vias meas enuntiavi, et exaudisti me: \* doce me justificationes tuas.

Viam justificationum tuarum instrue me: \* et exercebor in mirabilibus tuis.

Dormitavit anima mea prae taedio: \* confirma me in verbis tuis.

Viam iniquitatis amove a me: \* et de lege tua miserere mei.

Viam veritatis elegi: \* iudicia tua non sum oblitus.

Adhaesi testimoniis tuis Domine: \* noli me confundere.

Viam mandatorum tuorum cucurri, \* cum dilatasti cor meum.

*Antiphona ad Primam Festi infra positi integra dicitur.*

**Capitulum.**

1. Tim. 1. d.

**R**egi saeculorum immortalis et invisibili, soli Deo honor et gloria in saecula saeculorum. Amen.

**R.** Deo gratias.

**R. br.** Christe Fili Dei vivi, \* Miserere nobis.

**Repet.** Christe Fili Dei vivi, miserere nobis.

**V.** Qui sedes ad dexteram Patris.

**R.** Miserere nobis.

**V.** Gloria Patri, et Filio, et Spiritui sancto.

**R.** Christe Fili Dei vivi, miserere nobis.

**V.** Exurge Christe, adjuva nos.

**R.** Et libera nos propter nomen tuum.

**V.** Dominus vobiscum.

**R.** Et cum spiritu tuo.

**Oremus.**

*Oratio.*

**D**omine Deus omnipotens, qui ad principium huius diei nos pervenire fecisti: tua nos hodie salva virtute; ut in hac die ad nullum declinemus peccatum, sed semper ad tuam justitiam faciendam nostra procedant elo-

quia, dirigantur cogitationes et opera. Per  
 Dominum. **R.** Amen.

**V.** Dominus vobiscum.

**R.** Et cum spiritu tuo.

**V.** Benedicamus Domino.

**R.** Deo gratias.

Deinde in Choro legitur Martyrologium.

Postea Hebdomadarius dicit :

**V.** Pretiosa in conspectu Domini.

**R.** Mors Sanctorum ejus.

Et absolute sine Oremus.

Oratio.

**S**ancta Maria, et omnes Sancti intercedant  
 pro nobis ad Dominum: ut nos mereamur ab  
 eo adjuvari et salvari, qui vivit et regnat  
 in saecula saeculorum. **R.** Amen.

**V.** Deus in adjutorium meum intende.

**R.** Domine ad adjuvandum me festina.

Et dicitur ter: ultimo additur:

Gloria Patri. Sicut erat. **Kyrie** eleison.  
**Christe** eleison. **Kyrie** eleison.

Pater noster. *secreto.*

**V.** Et ne nos inducas in tentationem.

**R.** Sed libera nos a malo.

**V.** Respice in servos tuos Domine, et in  
 opera tua, et dirige filios eorum.

**R.** Et sit splendor Domini Dei nostri super  
 nos, et opera manuum nostrarum dirige su-  
 per nos, et opus manuum nostrarum dirige.

**V.** Gloria Patri. **R.** Sicut erat.



Oremus.

*Oratio.*

**D**irigere et sanctificare, regere et gubernare dignare **Domine Deus**, **Rex** coeli et terrae, hodie corda et corpora nostra, sensus, sermones, et actus nostros in lege tua, et in operibus mandatorum tuorum: ut hic, et in aeternum, te auxiliante, salvi et liberi esse mereamur, **Salvator mundi**: **Qui** vivis et regnas in saecula saeculorum. **R.** Amen.

**V.** Jube domne benedicere.

*Benedictio.* Dies et actus nostros in sua pace disponat **Dominus omnipotens**. **R.** Amen.

*Lectio brevis, pro qua dicitur Capitulum ad Nonam Festi infra positi, in ejus fine dicitur:*

**V.** Tu autem **Domine** miserere nobis.

**R.** Deo gratias.

*Post Lectionem brevem dicitur:*

**V.** Adjutorium nostrum in nomine **Domini**.

**R.** Qui fecit coelum et terram.

**V.** Benedicite. **R.** Deus.

*Benedictio.* **Dominus** nos benedicat, et ab omni malo defendat, et ad vitam perducatur aeternam: et **Fidelium** animae per misericordiam **Dei** requiescant in pace. **R.** Amen.

## AD TERTIAM.

**Pater noster.** **Ave Maria.** **Deus** in adjutorium. *pagina 35.*

**Hymnus.**

**I**unc sancte nobis Spiritus,  
 Unum Patri cum Filio,  
 Dignare promptus ingeri  
 Nostro refusus pectori.  
 Os, lingua, mens, sensus, vigor,  
 Confessionem personent,  
 Flammescat igne charitas,  
 Accendat ardor proximos.  
 Praesta, Pater piissime,  
 Patrique compar Unice,  
 Cum Spiritu Paraclito  
 Regnans per omne saeculum. Amen.

*Inchoatur Antiphona ad Tertiam Fësti infra positi.*

**Psalmus.**

**L**egem pone mihi Domine viam justificationum tuarum: \* et exquiram eam semper.

Da mihi intellectum, et scrutabor legem tuam: \* et custodiam illam in toto corde meo.

Deduc me in semitam mandatorum tuorum: \* quia ipsam volui.

Inclina cor meum in testimonia tua: \* et non in avaritiam.

Averte oculos meos, ne videant vanitatem: \* in via tua vivifica me.

Statue servo tuo eloquium tuum, \* in timore tuo.

Amputa opprobrium meum, quod suspicatus sum: \* quia iudicia tua jucunda.

Ecce concupivi mandata tua: \* in aequitate tua vivifica me.

Et veniat super me misericordia tua Domine: \* salutare tuum secundum eloquium tuum.

Et respondebo exprobrantibus mihi verbum: \* quia speravi in sermonibus tuis.

Et ne auferas de ore meo verbum veritatis usquequaque: \* quia in judiciis tuis supersperavi.

Et custodiam legem tuam semper, \* in saeculum, et in saeculum saeculi.

Et ambulabam in latitudine: \* quia mandata tua exquisivi.

Et loquebar in testimoniis tuis in conspectu regum: \* et non confundebar.

Et meditabar in mandatis tuis, \* quae dilexi.

Et levavi manus meas ad mandata tua, quae dilexi: \* et exercebar in justificationibus tuis.

**VI** Memor esto verbi tui servo tuo, \* in quo mihi spem dedisti.

Haec me consolata est in humilitate mea: \* quia eloquium tuum vivificavit me.

Superbi inique agebant usquequaque: \* a lege autem tua non declinavi.

Memor fui judiciorum tuorum a saeculo Domine: \* et consolatus sum.

Defectio tenuit me, \* pro peccatoribus derelinquentibus legem tuam.

Cantabiles mihi erant justificationes tuae, \* in loco peregrinationis meae.

Memor fui nocte nominis tui Domine: \* et custodivi legem tuam

Haec facta est mihi: \* quia justificationes tuas exquisivi.

Portio mea Domine, \* dixi custodire legem tuam.

Deprecatus sum faciem tuam in toto corde meo: \* miserere mei secundum eloquium tuum.

Cogitavi vias meas, \* et converti pedes meos in testimonia tua.

Paratus sum, et non sum turbatus: \* ut custodiam mandata tua.

Funes peccatorum circumplexi sunt me: \* et legem tuam non sum oblitus.

Media nocte surgebam ad confitendum tibi: \* super iudicia justificationis tuae.

Particeps ego sum omnium timentium te: \* et custodientium mandata tua.

Misericordia tua Domine plena est terra: \* justificationes tuas doce me.

**B**onitatem fecisti cum servo tuo Domine, \* secundum verbum tuum.

Bonitatem, et disciplinam, et scientiam doce me: \* quia mandatis tuis credidi.



Priusquam humiliarer ego deliqui: \* propterea eloquium tuum custodivi.

Bonus es tu: \* et in bonitate tua doce me justificationes tuas.

Multiplicata est super me iniquitas superbiorum: \* ego autem in toto corde meo scrutabor mandata tua.

Coagulatum est sicut lac cor eorum: \* ego vero legem tuam meditatus sum.

Bonum mihi quia humiliasti me: \* ut discam justificationes tuas.

Bonum mihi lex oris tui, \* super millia auri et argenti.

Manus tuae fecerunt me, et plasmaverunt me, \* da mihi intellectum, et discam mandata tua.

Qui timent te, videbunt me, et laetabuntur: \* quia in verba tua supersperavi.

Cognovi Domine quia aequitas judicia tua: \* et in veritate tua humiliasti me.

Fiat misericordia tua, ut consoletur me, \* secundum eloquium tuum servo tuo.

Veniant mihi miserationes tuae, et vivam: \* quia lex tua meditatio mea est.

Confundantur superbi, quia injuste iniquitatem fecerunt in me: \* ego autem exercebor in mandatis tuis.

Convertantur mihi timentes te: \* et qui noverunt testimonia tua.

Fiat cor meum immaculatum in justificationibus tuis: \* ut non confundar.

*Dicitur integra Antiphona cum reliquis ad Tertiam Festi infra positi.*

## AD SEXTAM.

**P**ater noster. **A**ve Maria. **D**eus in adiutorium. *pagina 35.*

### *Hymnus.*

**R**ector potens, verax Deus,  
 Qui temperas rerum vices,  
 Splendore mane illuminas,  
 Et ignibus meridiem:  
 Extingue flammam litium,  
 Aufer calorem noxium,  
 Confer salutem corporum,  
 Veramque pacem cordium.  
 Praesta, Pater piissime,  
 Patrique compar Unice,  
 Cum Spiritu Paraclito  
 Regnans per omne saeculum. Amen.

*Inchoatur Antiphona ad Sextam Festi infra positi.*

### *Psalmus.*

**D**efecit in salutare tuum anima mea: \* et in verbum tuum supersperavi.

Defecerunt oculi mei in eloquium tuum, \* dicentes: Quando consolaberis me?

Quia factus sum sicut uter in pruina: \* justificationes tuas non sum oblitus.

Quot sunt dies servi tui: \* quando facies de persequentibus me iudicium?

Narraverunt mihi iniqui fabulationes: \* sed non ut lex tua.

Omnia mandata tua veritas: \* inique persecuti sunt me, adjuva me.

Paulo minus consummaverunt me in terra: \* ego autem non dereliqui mandata tua.

Secundum misericordiam tuam vivifica me: \* et custodiam testimonia oris tui.

In aeternum Domine, \* verbum tuum permanet in coelo.

In generationem et generationem veritas tua: \* fundasti terram, et permanet.

Ordinatione tua perseverat dies: \* quoniam omnia serviunt tibi.

Nisi quod lex tua meditatio mea est: \* tunc forte periissem in humilitate mea.

In aeternum non obliviscar justificationes tuas: \* quia in ipsis vivificasti me.

Tuus sum ego, salvum me fac: \* quoniam justificationes tuas exquisivi.

Me expectaverunt peccatores, ut perderent me: \* testimonia tua intellexi.

Omnis consummationis vidi finem: \* latum mandatum tuum nimis.

**Q**uomodo dilexi legem tuam Domine? \* tota die meditatio mea est.

Super inimicos meos prudentem me fecisti mandato tuo: \* quia in aeternum mihi est.

Super omnes docentes me intellexi: \* quia testimonia tua meditatio mea est.

Super senes intellexi: \* quia mandata tua quaesivi.

Ab omni via mala prohibui pedes meos: \* ut custodiam verba tua.

A judiciis tuis non declinavi: \* quia tu legem posuisti mihi.

Quam dulcia faucibus meis eloquia tua: \* super mel ori meo.

A mandatis tuis intellexi: \* propterea odivi omnem viam iniquitatis.

Lucerna pedibus meis verbum tuum, \* et lumen semitis meis.

Juravi, et statui \* custodire judicia justitiae tuae.

Humiliatus sum usquequaque Domine: \* vivifica me secundum verbum tuum.

Voluntaria oris mei beneplacita fac Domine: \* et judicia tua doce me.

Anima mea in manibus meis semper: \* et legem tuam non sum oblitus.

Posuerunt peccatores laqueum mihi: \* et de mandatis tuis non erravi.

Haereditate acquisivi testimonia tua in aeternum: \* quia exultatio cordis mei sunt.

Inclinavi cor meum ad faciendas justificationes tuas in aeternum, \* propter retributionem.



**I**niquos odio habui: \* et legem tuam dilexi.

Adjutor et susceptor meus es tu: \* et in verbum tuum supersperavi.

Declinate a me maligni: \* et scrutabor mandata Dei mei.

Suscipe me secundum eloquium tuum, et vivam: \* et non confundas me ab expectatione mea.

Adjuva me, et salvus ero: \* et meditabor in justificationibus tuis semper.

Sprevisti omnes discedentes a judiciis tuis: \* quia injusta cogitatio eorum.

Praeveraricantes reputavi omnes peccatores terrae: \* ideo dilexi testimonia tua.

Confige timore tuo carnes meas: \* a judiciis enim tuis timui.

Feci iudicium et justitiam: \* non tradas me calumniantibus me.

Suscipe servum tuum in bonum: \* non calumnientur me superbi.

Oculi mei defecerunt in salutare tuum: \* et in eloquium justitiae tuae.

Fac cum servo tuo secundum misericordiam tuam: \* et justificationes tuas doce me.

Servus tuus sum ego: \* da mihi intellectum, ut sciam testimonia tua.

Tempus faciendi Domine: \* dissipaverunt legem tuam.

Ideo dilexi mandata tua, \* super aurum et topazion.

Propterea ad omnia mandata tua dirigebar, \* omnem viam iniquam odio habui.

Dicitur integra Antiphona cum reliquis ad Sextam Festi infra positi.

## AD NONAM.

Pater noster. Ave Marie. Deus in adiutorium. pagina 35.

### Hymnus.

**R**erum Deus tenax vigor,  
 Immotus in te permanens,  
 Lucis diurnae tempora,  
 Successibus determinans;  
 Largire lumen vespere,  
 Quo vita nusquam decadat,  
 Sed praemium mortis sacrae  
 Perennis instet gloria.  
 Praesta, Pater piissime,  
 Patrique compar Unice,  
 Cum Spiritu Paraclito  
 Regnans per omne saeculum. Amen.

Inchoatur Antiphona ad Nonam Festi infra positi.

**MI**rabilia testimonia tua: \* ideo scrutata est ea anima mea.

Declaratio sermonum tuorum illuminat: \* et intellectum dat parvulis.

Os meum aperui, et attraxi spiritum: \*  
quia mandata tua desiderabam.

Aspice in me, et miserere mei, \* secun-  
dum iudicium diligentium nomen tuum.

Gressus meos dirige secundum eloquium  
tuum: \* et non dominetur mei omnis injustitia.

Redime me a calumniis hominum: \* ut  
custodiam mandata tua.

Faciem tuam illumina super servum tuum: \*  
et doce me justificationes tuas.

Exitus aquarum deduxerunt oculi mei: \*  
quia non custodierunt legem tuam.

Justus es Domine: \* et rectum iudicium tuum.

Mandasti justitiam testimonia tua: \* et  
veritatem tuam nimis.

Tabescere me fecit zelus meus: \* quia  
obliti sunt verba tua inimici mei.

Ignitum eloquium tuum vehementer, \* et  
servus tuus dilexit illud.

Adolescentulus sum ego, et contemptus: \*  
justificationes tuas non sum oblitus.

Justitia tua, justitia in aeternum: \* et lex  
tua veritas.

Tribulatio et angustia invenerunt me: \*  
mandata tua meditatio mea est.

Aequitas testimonia tua in aeternum: \*  
intellectum da mihi, et vivam.

**C**lamavi in toto corde meo, exaudi me Do-  
mine: \* justificationes tuas requiram.

Clamavi ad te, salvum me fac: \* ut custodiam mandata tua.

Praeveni in maturitate, et clamavi: \* quia in verba tua supersperavi.

Praevenerunt oculi mei ad te diluculo: \* ut meditarer eloquia tua.

Vocem meam audi secundum misericordiam tuam Domine: \* et secundum iudicium tuum vivifica me.

Appropinquaverunt persequentes me iniquitati: \* a lege autem tua longe facti sunt.

Prope es tu Domine: \* et omnes viae tuae veritas.

Initio cognovi de testimoniis tuis: \* quia in aeternum fundasti ea.

Vide humilitatem meam, et eripe me: \* quia legem tuam non sum oblitus.

Judica iudicium meum, et redime me: \* propter eloquium tuum vivifica me.

Longe a peccatoribus salus: \* quia justificationes tuas non exquisierunt.

Misericordiae tuae multae Domine: \* secundum iudicium tuum vivifica me.

Multi qui persequuntur me, et tribulant me: \* a testimoniis tuis non declinavi.

Vidi praevaricantes, et tabescebam: \* quia eloquia tua non custodierunt.

Vide quoniam mandata tua dilexi Domine: \* in misericordia tua vivifica me.



Principium verborum tuorum veritas : \* in  
aeternum omnia iudicia iustitiae tuae.

**P**rincipes persecuti sunt me gratis : \* et a  
verbis tuis formidavit cor meum.

Laetabor ego super eloquia tua : \* sicut  
qui invenit spolia multa.

Iniquitatem odio habui, et abominatus sum : \*  
legem autem tuam dilexi.

Septies in die laudem dixi tibi : \* super  
iudicia iustitiae tuae.

Pax multa diligentibus legem tuam : \* et  
non est illis scandalum.

Expectabam salutare tuum Domine : \* et  
mandata tua dilexi.

Custodivit anima mea testimonia tua : \*  
et dilexit ea vehementer.

Servavi mandata tua, et testimonia tua : \*  
quia omnes viae meae in conspectu tuo.

Appropinquet deprecatio mea in conspectu  
tuo Domine : \* juxta eloquium tuum da mihi  
intellectum.

Intret postulatio mea in conspectu tuo : \*  
secundum eloquium tuum eripe me.

Eructabunt labia mea hymnum, \* cum  
docueris me justificationes tuas.

Pronuntiabit lingua mea eloquium tuum : \*  
quia omnia mandata tua aequitas.

Fiat manus tua, ut salvet me : \* quoniam  
mandata tua elegi.

Concupivi salutare tuum Domine: \* et lex tua meditatio mea est.

Vivet anima mea, et laudabit te: \* et judicia tua adjuvabunt me.

Erravi, sicut ovis quae periit: \* quaere servum tuum, quia mandata tua non sum oblitus.

*Dicitur integra Antiphona cum reliquis ad Nonam Festi infra positi.*

## AD VESPERAS.

**P**ater noster. **A**ve Maria.

**V.** Deus in adjutorium meum intende.

**R.** Domine, ad adjuvandum me festina.  
Gloria Patri, et Filio, et Spiritui sancto:  
Sicut erat in principio et nunc et semper,  
et in saecula saeculorum. Amen. Alleluja.  
*Vel pro temporis diversitate: Laus tibi Domine,  
Rex aeternae gloriae.*

## PSALMI

### DE DOMINICA.

*Cantatur Antiphona competens, prima infra in Festo posita cum sequenti Psalmo.*

**Psalmus 109.**

**D**ixit Dominus Domino meo: \* Sede a dextris meis.

Donec ponam inimicos tuos, \* scabellum pedum tuorum.

Virgam virtutis tuae emittet Dominus ex Sion: \* dominare in medio inimicorum tuorum.

Tecum principium in die virtutis tuae in splendoribus sanctorum: \* ex utero ante luciferum genui te.

Juravit Dominus, et non poenitebit eum: \* Tu es sacerdos in aeternum secundum ordinem Melchisedech.

Dominus a dextris tuis, \* confregit in die irae suae reges.

Judicabit in nationibus, implebit ruinas: \* conquassabit capita in terra multorum.

De torrente in via bibet: \* propterea exaltabit caput.

*Repetita Antiphona prima cantatur secunda infra in Festo posita cum sequenti Psalmo.*

### **Psalmus 110.**

**C**onfitebor tibi Domine in toto corde meo, \* in consilio justorum, et congregatione.

Magna opera Domini: \* exquisita in omnes voluntates ejus.

Confessio et magnificentia opus ejus: \* et justitia ejus manet in saeculum saeculi.

Memoriam fecit mirabilium suorum, misericors et miserator Dominus: \* escam dedit timentibus se.

Memor erit in saeculum testamenti sui: \*

virtutem operum suorum annuntiabit populo suo:

Ut det illis haereditatem Gentium: \* opera manuum ejus, veritas et judicium.

Fidelia omnia mandata ejus: confirmata in saeculum saeculi, \* facta in veritate et aequitate.

Redemptionem misit populo suo: \* mandavit in aeternum testamentum suum.

Sanctum et terribile nomen ejus: \* initium sapientiae timor Domini.

Intellectus bonus omnibus facientibus eum: \* laudatio ejus manet in saeculum saeculi.

*Repetita Antiphona secunda cantatur tertia infra in Festo posita cum sequenti Psalmo.*

### Psalmus 111.

**B**eatus vir, qui timet Dominum: \* in mandatis ejus volet nimis.

Potens in terra erit semen ejus: \* generatio rectorum benedicetur.

Gloria et divitiae in domo ejus: \* et justitia ejus manet in saeculum saeculi.

Exortum est in tenebris lumen rectis: \* misericors, et miserator, et justus.

Jucundus homo qui miseretur et commodat, disponet sermones suos in judicio: \* quia in aeternum non commovebitur.

In memoria aeterna erit justus: \* ab auditione mala non timebit.



Paratum cor ejus sperare in Domino, confirmatum est cor ejus: \* non commovebitur donec despiciat inimicos suos.

Dispersit, dedit pauperibus: justitia ejus manet in saeculum saeculi, \* cornu ejus exaltabitur in gloria.

Peccator videbit et irascetur, dentibus suis fremet et tabescet: \* desiderium peccatorum peribit.

*Repetita Antiphona tertia cantatur quarta infra in Festo posita cum sequenti Psalmo.*

### Psalmus 112.

**L**audate pueri Dominum: \* laudate nomen Domini.

Sit nomen Domini benedictum, \* ex hoc nunc, et usque in saeculum.

A solis ortu usque; ad occasum, \* laudabile nomen Domini.

Excelsus super omnes Gentes Dominus, \* et super coelos gloria ejus.

Quis sicut Dominus Deus noster, qui in altis habitat, \* et humilia respicit in coelo et in terra?

Suscitans a terra inopem, \* et de stercore erigens pauperem:

Ut collocet eum cum principibus, \* cum principibus populi sui.

Qui habitare facit sterilem in domo, \* matrem filiorum laetantem.

Repetita Antiphona quarta cantatur quinta infra in Festo posita cum sequenti Psalmo, vel alio hujus loco, qui infra in Festo assignatur.

### Psalmus 113.

**I**n exitu Israel de Aegypto, \* domus Jacob de populo barbaro:

Facta est Judaea sanctificatio ejus, \* Israel potestas ejus.

Mare vidit, et fugit: \* Jordanis conversus est retrorsum.

Montes exultaverunt ut arietes, \* et colles sicut agni ovium.

Quid est tibi mare, quod fugisti: \* et tu Jordanis, quia conversus es retrorsum.

Montes exultastis sicut arietes, \* et colles sicut agni ovium.

A facie Domini mota est terra, \* a facie Dei Jacob.

Qui convertit petram in stagna aquarum, \* et rupem in fontes aquarum.

Non nobis Domine, non nobis, \* sed nomini tuo da gloriam.

Super misericordia tua, et veritate tua: \* nequando dicant Gentes: Ubi est Deus eorum?

Deus autem noster in coelo: \* omnia quaecumque voluit, fecit.

Simulacra Gentium argentum et aurum, \* opera manuum hominum.

Os habent, et non loquentur: \* oculos habent, et non videbunt.

Aures habent, et non audient: \* nares habent, et non odorabunt.

Manus habent, et non palpabunt: pedes habent, et non ambulabunt: \* non clamabunt in gutture suo.

Similes illis fiant qui faciunt ea, \* et omnes, qui confidunt in eis.

Domus Israel speravit in Domino: \* adjutor eorum, et protector eorum est.

Domus Aaron speravit in Domino: \* adjutor eorum, et protector eorum est.

Qui timent Dominum, speraverunt in Domino: \* adjutor eorum, et protector eorum est.

Dominus memor fuit nostri, \* et benedixit nobis.

Benedixit domui Israel, \* benedixit domui Aaron.

Benedixit omnibus, qui timent Dominum, \* pusillis cum majoribus.

Adjiciat Dominus super vos: \* super vos, et super filios vestros.

Benedicti vos a Domino, \* qui fecit coelum et terram.

Coelum coeli Domino: \* terram autem dedit filiis hominum.

Non mortui laudabunt te Domine: \* neque omnes, qui descendunt in infernum.

Sed nos qui vivimus, benedicimus Domino, \* ex hoc nunc et usque in saeculum.

Repetita Antiphona cantatur: Capitulum, Hymnus, V., R. et Antiphona ad „Magnificat“ ut infra pro varietate Festorum. His dictis cantatur:

**M** Canticum B. Mariae Virg. Luc. 1. c.

**M**agnificat \* anima mea Dominum.

Et exultavit spiritus meus \* in Deo salutari meo.

Quia respexit humilitatem ancillae suae: \* ecce enim ex hoc beatam me dicent omnes generationes.

Quia fecit mihi magna qui potens est, \* et sanctum nomen ejus.

Et misericordia ejus a progenie in progenies \* timentibus eum.

Fecit potentiam in brachio suo: \* dispersit superbos mente cordis sui.

Deposuit potentes de sede, \* et exaltavit humiles.

Esurientes implevit bonis: \* et divites dimisit inanes.

Suscepit Israel puerum suum, \* recordatus misericordiae suae.

Sicut locutus est ad patres nostros, \* Abraham, et semini ejus in saecula.

Gloria Patri.

Repetita Antiphona ad „Magnificat“ dicitur Oratio conveniens infra in Festo posita.



## PSALMI

quorum singuli loco ultimi: „In exitu Israel“  
pro varietate Festorum dicendi sunt.

### Psalmus 115.

**C**redidi, propter quod locutus sum: \* ego autem humiliatus sum nimis.

Ego dixi in excessu meo: \* Omnis homo mendax.

Quid retribuam Domino, \* pro omnibus quae retribuit mihi?

Calicem salutaris accipiam: \* et nomen Domini invocabo.

Vota mea Domino reddam coram omni populo ejus: \* pretiosa in conspectu Domini mors sanctorum ejus.

O Domine, quia ego servus tuus: \* ego servus tuus, et filius ancillae tuae.

Dirupisti vincula mea: \* tibi sacrificabo hostiam laudis, et nomen Domini invocabo.

Vota mea Domino reddam in conspectu omnis populi ejus: \* in atriis domus Domini, in medio tui Jerusalem.

### Psalmus 116.

**L**audate Dominum omnes Gentes: \* laudate eum omnes populi:

Quoniam confirmata est super nos misericordia ejus: \* et veritas Domini manet in aeternum.

**Psalmus 127.**

**B**eati omnes qui timent Dominum, \* qui ambulat in viis ejus.

Labores manuum tuarum quia manducabis: \* beatus es, et bene tibi erit.

Uxor tua sicut vitis abundans, \* in lateribus domus tuae.

Filii tui sicut novellae olivarum, \* incircuitu mensae tuae.

Ecce sic benedicetur homo, \* qui timet Dominum.

Benedicat tibi Dominus ex Sion: \* et videas bona Jerusalem omnibus diebus vitae tuae:

Et videas filios filiorum tuorum, \* pacem super Israel.

**Psalmus. 129.**

**D**e profundis clamavi ad te Domine: \* Domine exaudi vocem meam.

Fiant aures tuae intendentes, \* in vocem deprecationis meae.

Si iniquitates observaveris Domine: \* Domine quis sustinebit?

Quia apud te propitiatio est: \* et propter legem tuam sustinui te Domine.

Sustinuit anima mea in verbo ejus: \* speravit anima mea in Domino.

A custodia matutina usque ad noctem, \* speret Israel in Domino.

Quia apud Dominum misericordia \* et copiosa apud eum redemptio.

Et ipse redimet Israel, \* ex omnibus iniquitatibus ejus.

**Psalmus 131.**

**M**emento Domine David, \* et omnis mansuetudinis ejus.

Sicut juravit Domino, \* votum vovit Deo Jacob.

Si introiero in tabernaculum domus meae, \* si ascendero in lectum strati mei.

Si dederò somnum oculis meis, \* et palpebris meis dormitationem,

Et requiem temporibus meis: donec inveniam locum Domino, \* tabernaculum Deo Jacob.

Ecce audivimus eam in Ephrata: \* invenimus eam in campis silvae.

Introibimus in tabernaculum ejus: \* adorabimus in loco, ubi steterunt pedes ejus.

Surge Domine in requiem tuam, \* tu et arca sanctificationis tuae.

Sacerdotes tui induantur justitiam, \* et sancti tui exultent.

Propter David servum tuum, \* non avertas faciem Christi tui.

Juravit Dominus David veritatem, et non frustrabitur eam: \* De fructu ventris tui ponam super sedem tuam.

Si custodierint filii tui testamentum meum, \* et testimonia mea haec, quae docebo eos:

Et filii eorum usque in saeculum, \* se-  
debunt super sedem tuam.

Quoniam elegit Dominus Sion: \* elegit  
eam in habitationem sibi.

Haec requies mea in saeculum saeculi: \*  
hic habitabo, quoniam elegi eam.

Viduum ejus benedicens benedicam: \* pau-  
peres ejus saturabo panibus.

Sacerdotes ejus induam salutari: \* et sancti  
ejus exultatione exultabunt.

Illuc producam cornu David, \* paravi  
lucernam Christo meo.

Inimicos ejus induam confusione: \* super  
ipsum autem effloreat sanctificatio mea.

### Psalmus 125.

**I**n convertendo Dominus captivitatem Sion, \*  
facti sumus sicut consolati:

Tunc repletum est gaudio os nostrum, \*  
et lingua nostra exultatione.

Tunc dicent inter Gentes: \* Magnificavit  
Dominus facere cum eis.

Magnificavit Dominus facere nobiscum: \*  
facti sumus laetantes.

Converte Domine captivitatem nostram, \*  
sicut torrens in Austro.

Qui seminant in lacrymis, \* in exulta-  
tione metent.

Euntes ibant et flebant, \* mittentes se-  
mina sua.



Venientes autem venient cum exultatione, \*  
portantes manipulos suos.

**Psalmus 138.**

**D**omine probasti me, et cognovisti me: \*  
tu cognovisti sessionem meam, et resur-  
rectionem meam.

Intellexisti cogitationes meas de longe: \*  
semitam meam, et funiculum meum investigasti.

Et omnes vias meas praevidisti: \* quia  
non est sermo in lingua mea.

Ecce Domine tu cognovisti omnia, novissi-  
ma et antiqua: \* tu formasti me, et posuisti  
super me manum tuam.

Mirabilis facta est scientia tua ex me: \*  
confortata est, et non potero ad eam.

Quo ibo a spiritu tuo? \* et quo a facie  
tua fugiam?

Si ascendero in coelum, tu illic es: \* si  
descendero in infernum, ades.

Si sumpsero pennas meas diluculo, \* et  
habitavero in extremis maris:

Etenim illuc manus tua deducet me: \* et  
tenebit me dextera tua.

Et dixi: Forsitan tenebrae conculcabunt  
me: \* et nox illuminatio mea in deliciis meis.

Quia tenebrae non obscurabuntur a te, et  
nox sicut dies illuminabitur: \* sicut tenebrae  
ejus, ita et lumen ejus.

Quia tu possedisti renes meos: \* suscepisti me de utero matris meae.

Confitebor tibi quia terribiliter magnificatus es: \* mirabilia opera tua, et anima mea cognoscit nimis.

Non est occultatum os meum a te, quod fecisti in occulto: \* et substantia mea in inferioribus terrae.

Imperfectum meum viderunt oculi tui, et in libro tuo omnes scribentur: \* dies formabuntur, et nemo in eis.

Mihi autem nimis honorificati sunt amici tui Deus: \* nimis confortatus est principatus eorum.

Dinumerabo eos, et super arenam multiplicabuntur: \* exurrexi, et adhuc sum tecum.

Si occideris Deus peccatores: \* viri sanguinum declinate a me.

Quia dicitis in cogitatione: \* Accipient in vanitate civitates tuas.

Nonne qui oderunt te Domine, oderam: \* et super inimicos tuos tabescebam?

Perfecto odio oderam illos: \* et inimici facti sunt mihi.

Proba me Deus, et scito cor meum: \* interroga me, et cognosce semitas meas.

Et vide, si via iniquitatis in me est: \* et deduc me in via aeterna.

# PSALMI

## IN FESTIS B. MARIAE VIRG.

Antiphonae Psalmis inseriendae inveniuntur infra  
in Festis B. M. V.

### Psalmus 109.

**D**ixit Dominus Domino meo: \* Sede a  
dextris meis:

Donec ponam inimicos tuos, \* scabellum  
pedum tuorum:

Virgam virtutis tuae emittet Dominus ex  
Sion: \* dominare in medio inimicorum tuorum.

Tecum principium in die virtutis tuae, in  
splendoribus sanctorum: \* ex utero ante lu-  
ciferum genui te.

Juravit Dominus, et non poenitebit eum: \*  
Tu es sacerdos in aeternum secundum ordi-  
nem Melchisedech.

Dominus a dextris tuis, \* confregit in  
die irae suae reges.

Judicabit in nationibus, implebit ruinas: \*  
conquassabit capita in terra multorum.

De torrente in via bibit: \* propterea exal-  
tabit caput.

### Psalmus 112.

**L**audate pueri Dominum: \* laudate nomen  
Domini.

Sit nomen Domini benedictum, \* ex hoc  
nunc, et usque in saeculum.

A solis ortu usque ad occasum, \* laudabile nomen Domini.

Excelsus super omnes Gentes Dominus, \* et super coelos gloria ejus.

Quis sicut Dominus Deus noster, qui in altis habitat, \* et humilia respicit in coelo et in terra?

Suscitans a terra inopem, \* et de stercore erigens pauperem:

Ut collocet eum cum principibus, \* cum principibus populi sui.

Qui habitare facit sterilem in domo, \* matrem filiorum laetantem.

### Psalmus 121.

**L**aetatus sum in his, quae dicta sunt mihi: \* in domum Domini ibimus.

Stantes erant pedes nostri, \* in atriis tuis Jerusalem.

Jerusalem, quae aedificatur ut civitas: \* cujus participatio ejus in idipsum.

Illuc enim ascenderunt tribus, tribus Domini: \* testimonium Israel ad confitendum nomini Domini.

Quia illic sederunt sedes in iudicio, \* sedes super domum David.

Rogate quae ad pacem sunt Jerusalem: \* et abundantia diligentibus te.

Fiat pax in virtute tua: \* et abundantia in turribus tuis.



Propter fratres meos, et proximos meos, \* loquebar pacem de te.

Propter domum Domini Dei nostri, \* quaesivi bona tibi.

### Psalmus 126.

**N**isi Dominus aedificaverit domum, \* in vanum laboraverunt qui aedificant eam.

Nisi Dominus custodierit civitatem, \* frustra vigilat qui custodit eam.

Vanum est vobis ante lucem surgere: \* surgite postquam sederitis, qui manducatis panem doloris.

Cum dederit dilectis suis somnum: \* ecce haereditas Domini, filii; merces, fructus ventris.

Sicut sagittae in manu potentis, \* ita filii excussorum.

Beatus vir, qui implevit desiderium suum ex ipsis: \* non confundetur cum loquetur inimicis suis in porta.

### Psalmus 147.

**L**auda Jerusalem Dominum: \* lauda Deum tuum Sion.

Quoniam confortavit seras portarum tuarum: \* benedixit filiis tuis in te.

Qui posuit fines tuos pacem: \* et adipe frumenti satiat te.

Qui emittit eloquium suum terrae: \* velociter currit sermo ejus.

Qui dat nivem sicut lanam: \* nebulam sicut cinerem spargit.

Mittit crystallum suam sicut buccellas: \* ante faciem frigoris ejus quis sustinebit?

Emittet verbum suum, et liquefaciet ea: \* flabit spiritus ejus, et fluent aquae.

Qui annuntiat verbum suum Jacob: \* justitias, et judicia sua Israel.

Non fecit taliter omni nationi: \* et judicia sua non manifestavit eis.

### Capitulum

proprium ut infra in Festo.

### Hymnus.

**A**ve maris stella,  
 Dei Mater alma,  
 Atque semper virgo,  
 Felix coeli porta.  
 Sumens illud Ave,  
 Gabrielis ore,  
 Funda nos in pace,  
 Mutans Hevae nomen.  
 Solve vincla reis,  
 Profer lumen caecis,  
 Mala nostra pelle,  
 Bona cuncta posce.  
 Monstra te esse Matrem,  
 Sumat per te preces,  
 Qui pro nobis natus,  
 Tulit esse tuus.

Virgo singularis,  
 Inter omnes mitis,  
 Nos culpis solutos.  
 Mites fac et castos.

Vitam praesta puram,  
 Iter para tutum,  
 Ut videntes Jesum,  
 Semper collaetemur.

Sit laus Deo Patri,  
 Summo Christo decus,  
 Spiritui sancto,  
 Tribus honor unus. Amen.

*Ÿ., R., Antiphona ad „Magnificat“ et Oratio  
 propria ut infra in Festo.*

---

## AD COMPLETORIUM.

---

*Lector incipit Ÿ.* Jube domne benedicere.

*Benedictio.* Noctem quietam, et finem perfectum concedat nobis Dominus omnipotens.

*R.* Amen.

*Lectio brevis.* 1. Pet. 5. c.

**F**ratres, Sobrii estote, et vigilate: quia adversarius vester diabolus tamquam leo rugiens circuit quaerens quem devoret: cui resistite fortes in fide. Tu autem Domine miserere nobis. *R.* Deo gratias.

**V.** Adjutorium nostrum in nomine Domini.

**R.** Qui fecit coelum et terram.

**Pater noster.** dicitur totum secreto.

*Deinde Hebdomadarius facit Confessionem.*

**C**onfiteor Deo omnipotenti, beatæ Mariæ semper Virgini, beato Michaeli Archangelo, beato Joanni Baptistæ, sanctis Apostolis Petro et Paulo, omnibus Sanctis, et vobis fratres: quia peccavi nimis cogitatione, verbo, et opere: mea culpa, mea culpa, mea maxima culpa. Ideo precor beatam Mariam semper Virginem, beatum Michaelem Archangelum, beatum Joannem Baptistam, sanctos Apostolos Petrum et Paulum, omnes Sanctos, et vos fratres, orare pro me ad Dominum Deum nostrum.

*Chorus respondet:*

**M**isereatur tui omnipotens Deus, et dimissis peccatis tuis, perducatur te ad vitam æternam.

**R.** Amen.

*Deinde repetit Confessionem: et ubi dicitur vobis fratres, et vos fratres, dicatur, tibi pater, et te pater.*

*Facta Confessione a Choro, Hebdomadarius dicit.*  
**M**isereatur vestri omnipotens Deus, et dimissis peccatis vestris, perducatur vos ad vitam æternam.

**R.** Amen.



**I**ndulgentiam, absolutionem, et remissionem peccatorum nostrorum tribuat nobis omnipotens et misericors Dominus.

**R.** Amen.

*Et facta absolutione dicitur V̄.*

**C**onverte nos Deus salutaris noster.

**R.** Et averte iram tuam a nobis.

**V̄.** Deus in adiutorium meum intende.

**R.** Domine ad adjuvandum me festina.

**G**loria Patri. Sicut erat.

*Antiph.* Miserere.

*Tempore Paschali, Antiph.* Alleluja.

#### **Psalmus 4.**

**C**um invocarem, exaudivit me Deus justitiae meae: \* in tribulatione dilatasti mihi.

Miserere mei, \* et exaudi orationem meam.

Filii hominum usquequo gravi corde? \* ut quid diligitis vanitatem, et quaeritis mendacium?

Et scitote quoniam mirificavit Dominus sanctum suum: \* Dominus exaudiet me, cum clamavero ad eum.

Irascimini, et nolite peccare: \* quae dicitis in cordibus vestris, in cubilibus vestris compungimini.

Sacrificate sacrificium justitiae, et sperate in Domino. \* Multi dicunt: Quis ostendit nobis bona?

Signatum est super nos lumen vultus tui Domini: \* dedisti laetitiam in corde meo.

A fructu frumenti, vini et olei sui \* multiplicati sunt.

In pace in idipsum \* dormiam, et requiescam;  
Quoniam tu Domine singulariter in spe \* constituisti me.

### Psalmus 30.

**I**n te Domine speravi, non confundar in aeternum: \* in justia tua libera me.

Inclina ad me aurem tuam, \* accelera, ut eruas me.

Esto mihi in Deum protectorem: \* et in domum refugii, ut salvum me facias,

Quoniam fortitudo mea, et refugium meum es tu: \* et propter nomen tuum deduces me, et enutries me.

Educes me de laqueo hoc, quem absconderunt mihi: \* quoniam tu es protector meus.

In manus tuas commendo spiritum meum: \* redemisti me Domine Deus veritatis.

### Psalmus 90.

**Q**ui habitat in adjutorio Altissimi, \* in protectione Dei commorabitur.

Dicet Domino: Susceptor meus es tu, et refugium meum: \* Deus meus, sperabo in eum.

Quoniam ipse liberavit me de laqueo venantium, \* et a verbo aspero.

Scapulis suis obumbrabit tibi: \* et sub pennis ejus sperabis.

Scuto circumdabit te veritas ejus: \* non timebis a timore nocturno,

A sagitta volante in die, a negotio perambulante in tenebris: \* ab incursu, et daemone meridiano.

Cadent a latere tuo mille, et decem millia a dextris tuis: \* ad te autem non appropinquabit.

Verumtamen oculis tuis considerabis: \* et retributionem peccatorum videbis.

Quoniam tu es Domine spes mea: \* altissimum posuisti refugium tuum.

Non accedet ad te malum: \* et flagellum non appropinquabit tabernaculo tuo.

Quoniam Angelis suis mandavit de te: \* ut custodiant te in omnibus viis tuis.

In manibus portabunt te: \* ne forte offendas ad lapidem pedem tuum.

Super aspidem et basiliscum ambulabis: \* et conculcabis leonem et draconem.

Quoniam in me speravit, liberabo eum: \* protegam eum, quoniam cognovit nomen meum.

Clamabit ad me, et ego exaudiam eum: \* cum ipso sum in tribulatione: eripiam eum, et glorificabo eum.

Longitudine dierum replebo eum; \* et ostendam illi salutare meum.

**Psalmus 133.**

**E**cce nunc benedicite Dominum, \* omnes servi Domini.

Qui statis in domo Domini, \* in atriis domus Dei nostri.

In noctibus extollite manus vestras in sancta, \* et benedicite Dominum.

Benedicat te Dominus ex Sion, \* qui fecit coelum et terram.

*Antiph.* Miserere mihi Domine, et exaudi orationem meam.

*Tempore Pasch. Antiph.* Allel. allel. allel.

**Hymnus.**

**T**e lucis ante terminum,  
Rerum Creator poscimus;  
Ut pro tua clementia  
Sis praesul et custodia.

Procul recedant somnia,  
Et noctium phantasmata;  
Hostemque nostrum comprime,  
Ne polluantur corpora.

Praesta, Pater piissime,  
Patrique compar Unice,  
Cum Spiritu Paraclito  
Regnans per omne saeculum. Amen.

**Capitulum.****Jer. 14. b.**

**T**u autem in nobis es Domine, et nomen sanctum tuum invocatum est super nos: ne derelinquas nos Domine Deus noster.



**R.** Deo gratias.

**R. brev.** In manus tuas Domine, \* Com-  
mendo spiritum meum. In manus.

**V.** Redemisti nos Domine Deus veritatis.  
Commendo. **G**loria Patri. In manus.

**V.** Custodi nos Domine ut pupillam oculi.

**R.** Sub umbra alarum tuarum protege nos.

*A Completorio Sabbati ante Dominicam in Albis inclusive, usque ad Sabbatum post Festum Pentocostes exclusive, dicitur sequens*

**R. brev.** In manus tuas Domine commendo  
spiritum meum, \* Alleluja, alleluja. In manus.

**V.** Redemisti nos Domine Deus veritatis.  
Alleluja, alleluja. **G**loria Patri. In manus.

**V.** Custodi nos Domine ut pupillam oculi,  
alleluja.

**R.** Sub umbra alarum tuarum protege nos,  
alleluja.

*Antiph.* Salva nos.

**Canticum Simeonis.** *Luc. 2. c.*

**N**unc dimittis servum tuum Domine, \* se-  
cundum verbum tuum in pace:

Quia viderunt oculi mei \* salutare tuum,  
Quod parasti \* ante faciem omnium po-  
pulorum;

Lumen ad revelationem Gentium: \* et glo-  
riam plebis tue Israel.

**Gloria Patri.**

*Antiph.* Salva nos Domine vigilantes, cu-

stodi nos dormientes: ut vigilemus cum Christo, et requiescamus in pace.

*Tempore Paschali dicitur Alleluja.*

Sequentes Preces semper dicuntur praeterquam in Offic. Duplici, et infra Oct. quae in Feriali Officio, tempore Adv. et Quadrag. et in Quatuor Temporibus, quando dictae sunt Preces in Vesperis, dicuntur flexis genibus.

**K**yrie eleison. **C**hriste eleison. **K**yrie eleison.

**P**ater noster. *secr.*

**V.** Et ne nos inducas in tentationem.

**R.** Sed libera nos a malo.

**C**redo in Deum. *secreto.*

**R.** Carnis resurrectionem.

**R.** Vitam aeternam, Amen.

**V.** Benedictus es Domine Deus patrum nostrorum.

**R.** Et laudabilis, et gloriosus, in saecula.

**V.** Benedicamus Patrem et Filium cum sancto Spiritu.

**R.** Laudemus et superexaltemus eum in saecula.

**V.** Benedictus es Domine in firmamento coeli.

**R.** Et laudabilis, et gloriosus, et superexaltatus in saecula.

**V.** Benedicat et custodiat nos omnipotens et misericors Dominus.

**R.** Amen.

**V.** Dignare Domine nocte ista.

**R.** Sine peccato nos custodire.

**V.** Miserere nostri Domine.

**R.** Miserere nostri.

**V.** Fiat misericordia tua Domine super nos.

**R.** Quemadmodum speravimus in te.

**V.** Domine exaudi orationem meam.

**R.** Et clamor meus ad te veniat.

**V.** Dominus vobiscum.

**R.** Et cum spiritu tuo.

Oremus.

Oratio.

**V**isita, quaesumus Domine, habitationem istam, et omnes insidias inimici ab ea longe repelle: Angeli tui sancti habitent in ea, qui nos in pace custodiant: et benedictio tua sit super nos semper. Per Dominum nostrum.

**V.** Dominus vobiscum.

**R.** Et cum spiritu tuo.

**V.** Benedicamus Domino.

**R.** Deo gratias.

**Benedictio.** Benedicat et custodiat nos omnipotens et misericors Dominus, Pater, et Filius, et Spiritus sanctus. **R.** Amen.

Et non dicitur, Fidelium animae, sed immediate dicitur una ex infrascriptis Antiphonis pro tempore.

A Vesperis Sabbati ante Dominicam primam Adventus usque ad Purificationem inclusive, Antiphona.

**A**lma Redemptoris, Mater, quae pervia coeli Porta manes, et stella maris, succurre cadenti, Surgere qui curat, populo: tu quae genuisti,

Natura mirante, tuum sanctum Genitorem,  
Virgo prius ac posterius, Gabrielis ab ore  
Sumens illud Ave, peccatorum miserere.

*In Adventu, V.* Angelus Domini nuntiavit  
Mariae.

*R.* Et concepit de Spiritu sancto.

Oremus.

*Oratio.*

**G**ratiam tuam, quaesumus Domine, mentibus  
nostris infunde: ut, qui Angelo nuntiante,  
Christi Filii tui incarnationem cognovimus;  
per passionem ejus et crucem ad resurrectio-  
nis gloriam perducamur. Per eundem Chri-  
stum Dominum nostrum. *R.* Amen.

*A primis Vesperis Nativitatis, et deinceps.*

*V.* Post partum, Virgo, inviolata permansisti.

*R.* Dei genitrix intercede pro nobis.

Oremus.

*Oratio.*

**D**eus, qui salutis aeternae, beatuae Mariae  
virginitate fecunda, humano generi praemia  
praestitisti: tribue quaesumus; ut ipsam pro  
nobis intercedere sentiamus, per quam me-  
ruimus auctorem vitae suscipere, Dominum  
nostrum Jesum Christum Filium tuum.

*R.* Amen.

*Post Purificationem, idest, a fine Completorii illius  
diei 2. Februarii inclusive, etiam quando transfertur  
Festum Purificationis B. M. Virginis, usque ad Feriam  
quintam in Coena Domini exclusive, Antiphona.*



**A**ve Regina coelorum,  
 Ave Domina Angelorum:  
 Salve radix, salve porta,  
 Ex qua mundo lux est orta:  
 Gaude virgo gloriosa,  
 Super omnes speciosa,  
 Vale o valde decora,  
 Et pro nobis Christum exora.

**V.** Dignare me laudare te, Virgo sacrata.

**R.** Da mihi virtutem contra hostes tuos.

Oremus.

Oratio.

**C**oncede misericors Deus fragilitati nostrae  
 praesidium: ut, qui sanctae Dei genitricis  
 memoriam agimus, intercessionis ejus auxilio  
 a nostris iniquitatibus resurgamus. Per eum-  
 dem Christum Dominum nostrum. **R.** Amen.

A Completorio Sabbati sancti usque ad Nonam  
 Sabbati post Pentecosten inclusive, Antiphona.

**R**egina coeli laetare, allel. Quia quem merui-  
 sti portare, alleluja,  
 Resurrexit sicut dixit, alleluja.  
 Ora pro nobis Deum, alleluja.

**V.** Gaude et laetare Virgo Maria, allel.

**R.** Quia surrexit Dominus vere, alleluja.

Oremus.

Oratio.

**D**eus, qui per resurrectionem Filii tui Do-  
 mini nostri Jesu Christi mundum laetificare

dignatus es: praesta, quaesumus; ut per ejus genitricem Virginem Mariam, perpetuae capiamus gaudia vitae. Per eundem Christum Dominum nostrum. **R.** Amen.

*A primis Vesperis Festi Trinitatis usque ad No-  
nam Sabbati ante Adventum, Antiphona.*

**S**alve Regina, mater misericordiae, vita dulcedo, et spes nostra salve. Ad te clamamus exules filii Hevae. Ad te suspiramus gementes et flentes in hac lacrymarum valle. Eja ergo advocata nostra, illos tuos misericordes oculos ad nos converte. Et Jesum benedictum fructum ventris tui, nobis post hoc exilium ostende. **O** clemens, o pia, o dulcis Virgo Maria.

**V.** Ora pro nobis sancta Dei genitrix.

**R.** Ut digni efficiamur promissionibus Christi.

Oremus.

*Oratio.*

**O**mnipotens sempiternae Deus, qui gloriosae Virginis matris Mariae corpus et animam, ut dignum Filii tui habitaculum effici mereretur, Spiritu sancto cooperante praeparasti: da, ut, cujus commemoratione laetamur, ejus pia intercessione ab instantibus malis, et a morte perpetua liberemur. Per eundem Christum Dominum nostrum. **R.** Amen.

**V.** Divinum auxilium maneat semper nobiscum. **R.** Amen.

Deinde dicitur secreto, **Pater noster, Ave Maria, et Credo.**

Sic dicitur Completorium per totum Annum, praeterquam in triduo majoris Hebdomadae, et per Octavam Paschae, ut suo loco dicitur.

Si post Completorium immediate sequatur Matutinum, tunc bis dicatur, **Pater noster, Ave Maria, et Credo.** quia Completorium, quod est finis Officii, sic terminari debet; et ante Matutinum iterum repetitur pro principio Officii sequentis diei.

Antiphonae praedictae dicuntur etiam in fine Laudum, quando discedendum est a Choro: sed si immediate post Matutinum subsequatur Prima, vel alia Hora, dicuntur in fine ultimae Horae, ita ut dicantur semper, quando terminata aliqua Hora discedendum est a Choro: et tunc post

**V. Fidelium animae, et Pater noster.** secreto, dicitur


**V. Dominus det nobis suam pacem.**

**R. Et vitam aeternam, Amen.**

Deinde una ex praedictis Antiphonis: et in fine, **Divinum auxilium maneat semper nobiscum.**

**R. Amen.**

Extra Chorum autem dicuntur in fine Laudum, si tunc terminandum sit Officium: alioquin in fine ultimae Horae. Post alias vero Horas, quando terminatur Officium, dicitur tantum, **Pater noster.** secreto.



# FESTA PER ANNUM.

DIE VI. DECEMBRIS.

IN FESTO

S. NICOLAI

Conf. Pontif. Patroni Eccl. Cath.

*Duplex 1. classis.*

Vesperae et Horae cantantur in Choro, si festum hoc in Dominicam incidit.

**Ad Vesperas et per Horas.**

*Antiph.* Ecce sacerdos magnus, qui in diebus suis placuit Deo, et inventus est justus.

*Psalm.* Dixit Dominus. cum reliquis de Dominica pag. 54. et loco ultim. *Psalm.* Laudate Dominum omnes gentes. Pag. 61.

*Antiph.* Non est inventus similis illi, qui conservaret legem Excelsi.

*Antiph.* Ideo jurejurando fecit illum Dominus crescere in plebem suam.

*Antiph.* Sacerdotes Dei benedicite Dominum: servi Domini Hymnum dicite Deo, alleluja.

*Antiph.* Serve bone et fidelis, intra in gaudium Domini tui.



## Capitulum.

Eccli. 44.

**E**cce sacerdos magnus, qui in diebus suis placuit Deo, et inventus est justus: et in tempore iracundiae factus est reconciliatio.

## Hymnus.

**I**ste Confessor Domini, colentes  
 Quem pie laudant populi per orbem,  
 Hac die laetus meruit beatas  
 Scandere sedes.

Qui pius, prudens, humilis, pudicus,  
 Sobriam duxit sine labe vitam,  
 Donec humanos animavit aerae  
 Spiritus artus.

Cujus ob praestans meritum frequenter,  
 Aegra quae passim jacuere membra,  
 Viribus morbi domitis, saluti  
 Restituuntur.

Noster hinc illi Chorus obsequentem  
 Concinit laudem, celebresque palmas;  
 Ut piis ejus precibus juvemur  
 Omne per aevum.

Sit salus illi, decus atque virtus,  
 Qui super coeli solio coruscans,  
 Totius mundi seriem gubernat  
 Trinus et unus. Amen.

**V.** Amavit eum Dominus et ornavit eum.

**R.** Stulam gloriae induit eum.

*Ad Magnificat, Antiph.* Sacerdos et Pontifex, et virtutum opifex, pastor bone in populo, ora pro nobis Dominum.

Oremus.

Oratio.

**D**eus, qui beatum Nicolaum Pontificem innumeris decorasti miraculis: tribue quaesumus; ut ejus meritis et precibus a gehennae incendiis liberemur. Per Dominum nostrum.

Ad Tertiam.

*Antiph.* Non est inventus.

Capitulum.

**E**cce sacerdos magnus. *ut supra.*

*R.* br. Amavit eum Dominus, \* Et ornavit eum. Amavit.

*V.* Stulam gloriae induit eum. Et ornavit.

**G**loria Patri. Amavit.

*V.* Elegit eum Dominus sacerdotem sibi.

*R.* Ad sacrificandum ei hostiam laudis.

Ad Sextam.

*Antiph.* Ideo jurejurando.

Capitulum.

Eccl. 44. c

**N**on est inventus similis illi, qui conservaret legem Excelsi: ideo jurejurando fecit illum Dominus crescere in plebem suam.

*R.* br. Elegit eum Dominus, \* Sacerdotem sibi. Elegit.

*V.* Ad sacrificandum ei hostiam laudis. Sacerdotem. **G**loria Patri. Elegit.

*V.* Tu es sacerdos in aeternum.

*R.* Secundum ordinem Melchisedech.

**Ad Nonam.***Antiph.* Serve bone.**Capitulum.**

Eccli. 45. c.

**F**ungi sacerdotio, et habere laudem in nomine ipsius, et offerre illi incensum dignum in odorem suavitatis.

**R.** br. Tu es sacerdos, \* In aeternum. Tu es.

**V.** Secundum ordinem Melchisedech. In aeternum. **Gloria.** Tu es.

**V.** Justum deduxit Dominus per vias rectas.

**R.** Et ostendit illi regnum Dei.

**Ad II. Vesperas.**

*Antiph.* Ecce sacerdos magnus. cum reliquis in I. Vesperis. *Psalm.* Dixit Dominus. cum reliq. de Dominica, pag. 54. et loco ult. *Psalm.* Memento Domine David. Pag. 63. Capit. et Hymn. ut supra in I. Vesp.

**V.** Justum deduxit Dominus per vias rectas.

**R.** Et ostendit illi regnum Dei.

*Ad Magnificat, Antiph.* Amavit eum Dominus, et ornavit eum: stolam gloriae induit eum, et ad portas paradisi coronavit eum.

**DIE VIII. DECEMBRIS.  
IN FESTO**

**IMMACULATAE CONCEPTIONIS  
BEATAE MARIAE VIRGINIS PATRONAE.**

*Duplex 1. classis.*

**Ad Vesperas et per Horas.**

*Antiph.* Sicut liliū inter spinas, sic amica mea inter filias. *Psalmi ut supra pagina 67.*

*Antiph.* Dilectus meus mihi et ego illi, qui pascitur inter lilia.

*Antiph.* Tota pulchra es, amica mea, et macula non est in te.

*Antiph.* Benedicta es tu, filia, a Domino Deo meo excelso prae omnibus mulieribus super terram.

*Antiph.* Tu gloria Jerusalem, tu laetitia Israel, tu honorificentia populi nostri.

**Capitulum.**

*Prov. 8.*

**D**ominus possedit me in initio viarum suarum, antequam quidquam faceret a principio. Ab aeterno ordinata sum, et ex antiquis, antequam terra fieret. Nondum erant abyssi, et ego jam concepta eram.

**Hymnus.**

**A**ve maris stella, *ut supra pag. 70.*

**V.** Immaculata conceptio est hodie sanctae Mariae Virginis.



**R.** Cujus vita inelyta cunctas illustrat Ecclesias.

*Ad Magnificat, Antiph.* Beata Dei Genitrix Maria, Virgo perpetua, templum Domini, sacrarium Spiritus sancti, sola sine exemplo placuisti Domino nostro, Jesu Christo, alleluja.

Oremus.

Oratio.

**D**eus, qui per immaculatam Virginis Conceptionem dignum Filio tuo habitaculum prae-  
parasti: ejus nobis intercessionem concede; ut  
cor et corpus nostrum immaculatum tibi, qui  
eam ab omni labe praeservasti, fideliter cu-  
stodiamus. Per eundem Dominum.

Fit com. fer. in Adv. tant.

*Ad Primam.*

Ultima stropha Hymnorum terminat.

Jesu, tibi sit gloria,  
Qui natus es de Virgine,  
Cum Patre et almo Spiritu  
In sempiterna saecula. Amen.

*Antiph.* Sicut lilium.

In **R.** br. **V.** Qui natus es de Maria Virgine.

*Ad Tertiam.*

*Antiph.* Dilectus meus mihi.

*Capit.* Dominus possedit, ut supra.

**R.** br. Deus\* Praecinxit me virtute. Deus.

**V.** Et posuit immaculatam viam meam.

Praecinxit.

**G**loria Patri. Deus.

*Ÿ.* In hoc cognovi, quoniam voluisti me.

*R.* Quoniam non gaudebit inimicus meus super me.

*Ad Sextam.*

*Antiph.* Tota pulchra es.

*Capitulum.*

*Ezech. 41.*

**P**orta haec clausa erit, non aperietur, et vir non intrabit per eam, quoniam Dominus Deus Israël ingressus est per eam: eritque clausa Principi. Princeps ipse sedebit in ea.

*R. br.* In hoc cognovi, \* Quoniam voluisti me. In hoc.

*Ÿ.* Quoniam non gaudebit inimicus meus super me. Quoniam voluisti me.

*Gloria Patri.* In hoc.

*Ÿ.* Elegit eam Deus, et praelegit eam.

*R.* In tabernaculo suo habitare fecit eam.

*Ad Nonam.*

*Antiph.* Tu gloria.

*Capitulum.*

*Prov. 8.*

**B**eatus homo, qui audit me, et qui vigilat ad fores meas quotidie, et observat ad postes ostii mei. Qui me invenerit, inveniet vitam et hauriet salutem a Domino.

*R. br.* Elegit eam Deus, \* Et praelegit eam. Elegit.

*Ÿ.* In tabernaculo suo habitare fecit eam. Et.

*Gloria Patri.* Elegit.

*Ÿ.* Diffusa est gratia in labiis tuis.

**R.** Propterea benedixit te Deus in aeternum.

**In II. Vesperis.**

**Omnia ut in I. Vesperis.**

**V.** Immaculata Conceptio est hodie sanctae Mariae Virginis.

**R.** Cujus vita inclyta cunctas illustrat Ecclesias.

**Ad Magnificat, Antiph.** Conceptio tua, Dei Genitrix Virgo, gaudium annuntiavit universo mundo: ex te enim ortus est sol justitiae Christus Deus noster, qui solvens maledictionem, dedit benedictionem, et confundens mortem, donavit nobis vitam sempiternam, alleluja.

**DIE XXV. DECEMBRIS.**

**IN FESTO**

**NATIVITATIS DOMINI.**

**Duplex 1. classis.**

**Ad Vesperas et per Horas.**

**Antiph.** Rex pacificus magnificatus est, cujus vultum desiderat universa terra.

**Psalm.** Dixit Dominus, **cum reliquis de Dominica, loco ultimi Psalmi dicitur: Laudate Dominum omnes gentes. Pagina 61.**

**Antiph.** Magnificatus est Rex pacificus super omnes reges universae terrae.

*Antiph.* Completi sunt dies Mariae, ut pareret filium suum primogenitum.

*Antiph.* Scitote quia prope est regnum Dei: amen dico vobis, quia non tardabit.

*Antiph.* Levate capita vestra: ecce appropinquat redemptio vestra.

### Capitulum.

Tit. 3. b.

**A**pparuit benignitas et humanitas Salvatoris nostri Dei; non ex operibus justitiae quae fecimus nos, sed secundum misericordiam suam salvos nos fecit.

### Hymnus.

**J**esu Redemptor omnium,  
 Quem lucis ante originem  
 Parem Paternae gloriae  
 Pater supremus edidit.  
 Tu lumen, et splendor Patris,  
 Tu spes perennis omnium,  
 Intende quas fundunt preces  
 Tui per orbem servuli,  
 Memento, rerum Conditor,  
 Nostri quod olim corporis,  
 Sacrata ab alvo Virginis  
 Nascendo, formam sumpseris.  
 Testatur hoc praesens dies,  
 Currens per anni circulum,  
 Quod solus e sinu Patris  
 Mundi salus adveneris.



Hunc astra, tellus, aequora,  
 Hunc omne, quod coelo subest,  
 Salutis Auctorem novae  
 Novo salutat cantico.

Et nos beata quos sacri  
 Rigavit unda Sanguinis,  
 Natalis ob diem tui  
 Hymni tributum solvimus.

Jesu, tibi sit gloria,  
 Qui natus es de Virgine,  
 Cum Patre, et almo Spiritu  
 In sempiterna saecula. Amen.

*Sic terminantur omnes Hymni ejusdem metri, usque ad Epiphaniam.*

*V.* Crastina die delebitur iniquitas terrae.

*R.* Et regnabit super nos Salvator mundi.

*Ad Magnificat, Antiph.* Cum ortus fuerit sol de coelo, videbitis Regem regum procedentem a Patre, tamquam sponsum de thalamo suo.

Oremus.

*Oratio.*

**C**oncede quaesumus omnipotens Deus: ut nos Unigeniti tui nova per carnem nativitas liberet, quos sub peccati jugo vetusta servitus tenet. Per eundem Dominum.

*Ad Primam.*

*Antiph.* Quem vidistis pastores? dicite, annuntiate nobis, in terris quis apparuit? Natum vidimus, et choros Angelorum colaudantes Dominum, alleluja, alleluja.

**R. br.** Christe Fili Dei vivi, \* Miserere nobis.

**V.** Qui natus es de Maria Virgine.

**Ad Tertiam.**

**Antiph.** Genuit puerpera Regem, cui nomen aeternum, et gaudia matris habens cum virginitatis honore: nec primam similem visa est, nec habere sequentem, allel.

**Capitulum.**

**Hebr. 1.**

**MI**ultifariam, multisque modis olim Deus loquens patribus in prophetis, novissime diebus istis locutus est nobis in Filio, quem constituit haeredem universorum, per quem fecit et saecula.

**R. br.** Verbum caro factum est, \* Alleluja, alleluja. Verbum.

**V.** Et habitavit in nobis. Alleluja, alleluja.

**Gloria Patri.** Verbum.

**V.** Ipse invocabit me, alleluja.

**R.** Pater meus es tu, alleluja.

**Ad Sextam.**

**Antiph.** Angelus ad pastores ait: Annuntio vobis gaudium magnum: quia natus est vobis hodie Salvator mundi alleluja.

**Capitulum.**

**Hebr. 1.**

**E**t: Tu in principio Domine terram fundasti: et opera manuum tuarum sunt coeli.

**R.** br. Notum fecit Dominus, \* Allel. allel.  
Notum.

**V.** Salutare suum. Allel. allel.

**G**loria Patri. Notum.

**V.** Viderunt omnes fines terrae, alleluja.

**R.** Salutare Dei nostri, alleluja.

### Ad Nonam.

*Antiph.* Parvulus filius hodie natus est nobis, et vocabitur Deus, fortis, alleluja, alleluja.

### Capitulum.

Hebr. 1.

**I**psi peribunt, tu autem permanebis, et omnes sicut vestimentum veterascent, et velut amictum mutabis eos, et mutabuntur: tu autem idem ipse es, et anni tui non deficient.

**R.** br. Viderunt omnes fines terrae, \* Alleluja, alleluja. Viderunt.

**V.** Salutare Dei nostri. Alleluja. alleluja.

**G**loria Patri. Viderunt.

**V.** Verbum caro factum est, alleluja.

**R.** Et habitavit in nobis, alleluja.

### Ad II. Vesperas.

*Antiph.* Tecum principium in die virtutis tuae in splendoribus sanctorum, ex utero ante luciferum genui te.

*Psalm.* Dixit Dominus. Pagina 54.

*Antiph.* Redemptionem misit Dominus populo suo: mandavit in aeternum testamentum suum.

*Psalm.* Confitebor. Pagina 55.

*Antiph.* Exortum est in tenebris lumen rectis corde: misericors, et miserator, et justus Dominus.

*Psalm.* Beatus vir, qui timet. Pagina 56.

*Antiph.* Apud Dominum misericordia, et copiosa apud eum redemptio.

*Psalm.* De profundis. Pagina 62.

*Antiph.* De fructu ventris tui ponam super sedem tuam.

*Psalm.* Memento. Pagina 63.

*Capitul.* Multifariam. Pagina 94.

*Hymn.* Jesu Redemptor. Pagina 92.

*V.* Notum fecit Dominus, alleluja.

*R.* Salutare suum, alleluja.

*Ad Magnificat, Antiph.* Hodie Christus natus est: hodie Salvator apparuit: hodie in terra canunt Angeli, laetantur Archangeli: hodie exultant justi, dicentes: Gloria in excelsis Deo, alleluja.

Deinde pro S. Stephano.

*Antiph.* Stephanus autem plenus gratia et fortitudine, faciebat signa magna in populo.

*V.* Gloria et honore coronasti eum Domine.

*R.* Et constituisti eum super opera manuum tuarum.

Oremus.

Oratio.

**D**a nobis, quaesumus Domine, imitari quod colimus, ut discamus et inimicos diligere: quia ejus natalitia celebramus, qui novit etiam



pro persecutoribus exorare Dominum nostrum  
 Jesum Christum Filium tuum. Qui tecum  
 vivit et regnat.

DIE VI. JANUARIU.  
 IN EPIPHANIA DOMINI.

*Duplex 1. classis.*

**Ad Vesperas et per Horas.**

*Antiph.* Ante luciferum genitus, et ante  
 saecula, Dominus Salvator noster hodie mundi  
 apparuit.

*Psalm.* Dixit Dominus, *cum reliquis de Do-*  
*minica, loco ultimi*

*Psalm.* Laudate Dominum. *Pagina. 61.*

*Antiph.* Venit lumen tuum Jerusalem, et  
 gloria Domini super te orta est: etambu-  
 labunt gentes in lumine tuo, alleluja.

*Antiph.* Apertis thesauris suis obtulerunt  
 Magi Domino aurum, thus et myrrham, allel.

*Antiph.* Maria et flumina benedicite, Do-  
 mino: hymnum dicite fontes Domino, allel.

*Antiph.* Stella ista sicut flamma coruscat,  
 et Regem regum Deum demonstrat: Magi eam  
 viderunt, et magno Regi munera obtulerunt.

**Capitulum.**

*Isaiae. 60.*

**S**urge, illuminare Jerusalem: quia venit lu-  
 men tuum, et gloria Domini super te orta est.

## Hymnus.

**C**rudelis Herodes, Deum  
 Regem venire quid times?  
 Non eripit mortalia,  
 Qui regna dat coelestia.  
 Ibant Magi, quam viderant,  
 Stellam sequentes praeviam:  
 Lumen requirunt lumine:  
 Deum fatentur munere.

Lavacra puri gurgitis  
 Coelestis Agnus attigit:  
 Peccata, quae non detulit,  
 Nos abluendo sustulit.

Novum genus potentiae:  
 Aquae rubescunt hydriae,  
 Vinumque jussa fundere,  
 Mutavit unda originem.

Jesu, tibi sit gloria,  
 Qui apparuisti Gentibus,  
 Cum Patre, et almo Spiritu  
 In sempiterna saecula. Amen.

*Sic terminantur Hymni per totam Octavam.*

**V.** Reges Tharsis et insulae munera offerent.

**R.** Reges Arabum et Saba dona adducent.

*Ad Magnificat, Antiph.* Magi videntes  
 stellam, dixerunt ad invicem: Hoc signum  
 magni Regis est: eamus et inquiramus eum,  
 et offeramus ei munera, aurum, thus, et  
 myrrham, alleluja.

Oremus.

Oratio.

**D**eus, qui hodierna die Unigenitum tuum Gentibus stella duce revelasti: concede propitius; ut, qui jam te ex fide cognovimus, usque ad contemplandam speciem tuae celsitudinis perducamur. Per eundem Dominum nostrum.

**Ad Primam.**

**R.** br. Christe Fili Dei vivi.

**V.** Qui apparuisti hodie.

**Ad Tertiam.**

**Antiph.** Venit lumen tuum.

**Capit.** Surge, illuminare.

**R.** br. Reges Tharsis, et insulae munera offerent, \* Alleluja, alleluja. Reges.

**V.** Reges Arabum et Saba dona adducunt. Alleluja, alleluja.

**Gloria Patri.** Reges.

**V.** Omnes de Saba venient, alleluja.

**R.** Aurum et thus deferentes, alleluja.

**Ad Sextam.**

**Antiph.** Apertis thesauris suis.

**Capitulum.**

Isaiae 60.

**L**evá in circuitu oculos tuos, et vide: omnes isti congregati sunt, venerunt tibi: filii tui de longe venient, et filiae tuae de latere surgent.

**R.** br. Omnes de Saba venient, \* Alleluja, alleluja. Omnes de Saba.

**V.** Aurum et thus deferentes. Allel. allel.

**Gloria Patri. Omnes.**

**V.** Adorate Dominum, alleluja.

**R.** In aula sancta ejus, alleluja.

**Ad Nonam.**

**Antiph.** Stella ista.

**Capitulum.**

Isaiae 60.

**O**mnes de Saba venient, aurum et thus deferentes, et laudem Domino annuntiantes.

**R. br.** Adorate Dominum, \* Alleluja, alleluja. Adorate.

**V.** In aula sancta ejus. Alleluja, alleluja.

**Gloria Patri. Adorate.**

**V.** Adorate Deum, alleluja.

**R.** Omnes Angeli ejus, alleluja.

**Ad II. Vesperas.**

**Antiph.** Ante luciferum genitus, cum reliquis ut supra.

**Psalm.** Dixit Dominus, cum reliquis de Dominica, pagina 54.

**Capit.** Surge, illuminare.

**Hymn.** Crudelis Herodes.

**V.** Reges Tharsis, ut supra.

**Ad Magnificat, Antiph.** Tribus miraculis ornatum diem sanctum colimus: hodie stella Magos duxit ad praesepe: hodie vinum ex aqua factum est ad nuptias: hodie in Jordane a Joanne Christus baptizari voluit, ut salvaret nos, alleluja.

**Oratio.** Deus, qui hodierna die, ut supra.



## DIE XIX. MARTII.

## IN FESTO

S. JOSEPHI SPONSI B. M. V.  
PATRONI ILLYR.*Duplex 1. classis.***Ad Vesperas et per Horas.**

*Antiph.* Jacob autem genuit Joseph virum  
Mariæ, de qua natus est Jesus, qui vo-  
catur Christus.

*Psalm.* Dixit Dominus, cum reliq. de Do-  
minica. Pagina 54. et loco ult.

*Psalm.* Laudate Dominum omnes Gentes.  
Pagina 61.

*Antiph.* Missus est Angelus Gabriel a  
Deo ad Virginem desponsatam viro, cui no-  
men erat Joseph, de domo David, et no-  
men Virginis Maria.

*Antiph.* Cum esset desponsata Mater Jesu  
Maria Joseph, antequam convenirent, in-  
venta est in utero habens de Spiritu sancto.

*Antiph.* Joseph vir ejus, cum esset justus,  
et nollet eam traducere, voluit occulte di-  
mittere eam.

*Antiph.* Angelus Domini apparuit Joseph,  
dicens: Joseph fili David noli timere accipere  
Mariam conjugem tuam; quod enim in ea  
natum est, de Spiritu sancto est: pariet autem  
filium, et vocabis nomen ejus Jesum.

**Capitulum. Prov. 28. et 27.**

**V**ir fidelis multum laudabitur. Et qui Custos est Domini sui, glorificabitur.

**Hymnus.**

**T**e, Joseph, celebrent agmina Coelitem,  
Te cuncti resonent Christiadam Chori,  
Qui clarus meritis, junctus es inclytæ  
Casto foedere Virgini.

Almo cum tumidam germine conjugem  
Admirans, dubio tangeris anxius,  
Afflatu superi Flamini Angelus  
Conceptum puerum docet.

Tu natum Dominum stringis, ad exteras  
Aegypti profugum tu sequeris plagas;  
Amissum Solymis quaeris, et invenis,  
Miscens gaudia fletibus.

Post mortem reliquos mors pia consecrat,  
Palmamque emeritos gloria suscipit:  
Tu vivens, Superis par, frueris Deo,  
Mira sorte beatior.

Nobis, summa Trias, parce precantibus,  
Da Joseph meritis sidera scandere:  
Ut tandem liceat nos tibi perpetim  
Gratum promere canticum. Amen.

**V.** Constituit eum Dominum domus suae.

**R.** Et Principem omnis possessionis suae.

**Ad Magnificat, Antiph.** Exurgens Joseph a somno fecit, sicut praecepit ei Angelus Domini, et accepit conjugem suam.

Oremus.

Oratio.

**S**anctissimae Genitricis tuae Sponsi, quaesumus, Domine, meritis adjuvemur: ut quod possibilitas nostra non obtinet, ejus nobis intercessione donetur. Qui vivis et regnas cum Deo Patre.

Si celebretur in Quadragesima, fit commemor. Feriae.

**Ad Primam.**

*Antiph.* Ibant parentes Jesu per omnes annos in Jerusalem, in die solemni Paschae.

**Ad Tertiam.**

*Antiph.* Cum redirent, remansit puer Jesus in Jerusalem, et non cognoverunt Parentes ejus.

**Capitulum.** Prov. 28. et 27.

**V**ir fidelis multum laudabitur. Et qui Custos est Domini sui, glorificabitur.

**R.** br. Constituit eum, \* Dominum domus suae. Constituit.

**V.** Et Principem omnis possessionis suae. Dominum.

Gloria Patri. Constituit.

**V.** Magna est gloria ejus in salutari tuo.

**R.** Gloriam, et magnum decorem impones super eum.

**Ad Sextam.**

*Antiph.* Non inveniētes Jesum, regressi sunt in Jerusalem requirentes eum, et post

triduum invenerunt illum in templo sedentem in medio Doctorum, audientem et interrogantem eos.

**Capitulum.**

**Eccli. 45.**

**D**ilectus Deo, et hominibus, cujus memoria in benedictione est. In fide, et lenitate ipsius sanctum fecit illum, et elegit eum ex omni carne.

**R. br.** Magna est gloria ejus, \* In salutari tuo. Magna est.

**V.** Gloriam et magnum decorem impones super eum. In salutari.

**Gloria Patri. Magna.**

**V.** Justus germinabit sicut lilium.

**R.** Et florebit in aeternum ante Dominum.

**Ad Nonam.**

**Antiph.** Descendit Jesus cum eis, et venit Nazareth, et erat subditus illis.

**Capitulum.**

**Sap. 10.**

**P**rofugum justum deduxit Sapia per vias rectas, et ostendit illi regnum Dei, et dedit illi scientiam Sanctorum; honestavit illum in laboribus, et complevit labores illius.

**R. br.** Justus germinabit, \* Sicut lilium. Justus.

**V.** Et florebit in aeternum ante Dominum. Sicut.

**Gloria Patri. Justus.**



**V.** Plantatus in domo Domini.

**R.** In atriis domus Dei nostri.

**Ad II. Vesperas.**

*Antiph.* Ibant Parentes, cum reliquis ut supra per Horas. *Antiph. 4ta:* Dixit Mater ejus ad illum: Fili, quid fecisti nobis sic? Ecce Pater tuus et ego dolentes quaerebamus te.

*Psalmi, Capitulum et Hymnus ut supra in I. Vesperis.*

**V.** Gloria et divitiae in domo ejus.

**R.** Et justitia ejus manet in saeculum saeculi.

*Ad Magnificat, Antiph.* Ecce fidelis servus et prudens, quem constituit Dominus super familiam suam.

*Oratio ut supra, et fit com. fer.*

**DIE XXV. MARTII.**

**IN FESTO.**

**ANNUNTIATIONIS B. MARIAE VIRG.**

*Duplex 2. classis.*

**Ad Vesperas et per Horas.**

*Antiph.* Missus est Gabriel Angelus ad Mariam Virginem desponsatam Joseph.

*Psalmi ut supra pagina 67.*

*Antiph.* Ave Maria, gratia plena: Dominus tecum: Benedicta tu in mulieribus.

*Antiph.* Ne timeas Maria, invenisti gratiam apud Dominum: ecce concipies et paries filium.

*Antiph.* Dabit ei Dominus sedem David patris ejus, et regnabit in aeternum.

*Antiph.* Ecce ancilla Domini: fiat mihi secundum verbum tuum.

**Capitulum.**

Isaiae 7.

**E**cce virgo concipiet et pariet filium, et vocabitur nomen ejus Emmanuel. Butyrum et mel comedet, ut sciat reprobare malum, et eligere bonum. **R.** Deo gratias.

**Hymnus.**

**A**ve maris stella, ut supra pagina 70.

**V.** Ave Maria, gratia plena.

**R.** Dominus tecum.

*Ad Magnificat, Antiph.* Spiritus sanctus in te descendet Maria, et virtus Altissimi obumbrabit tibi.

**Oremus.**

**Oratio.**

**D**eus, qui de beatae Mariae Virginis utero Verbum tuum, Angelo nuntiante, carnem suscipere voluisti: praesta supplicibus tuis; ut qui vere eam Genitricem Dei credimus, ejus apud te intercessionibus adjuvemur. Per eumdem Dominum.

**Fit com. S. Gabrielis Archang. et feriae.**

**Ad Primam.**

*Antiph.* Missus est, ut supra.

**In R. brev.** Qui natus es de Maria Virgine.

**Ad Tertiam.***Antiph.* Ave Maria.**Capitulum.**

Isaiae 7.

**E**cce virgo, *ut supra.***R.** br. Specie tua \* Et pulchritudine tua.  
Specie tua.**V.** Intende, prospere procede, et regna.  
Et pulchritudine.**Gloria Patri.** Specie tua.**V.** Adjuvabit eam Deus vultu suo.**R.** Deus in medio ejus, non commovebitur.**Ad Sextam.***Antiph.* Ne timeas Maria.**Capitulum.**

Luc. 1. d.

**D**abit illi Dominus Deus sedem David patris  
ejus, et regnabit in domo Jacob in aeternum,  
et regni ejus non erit finis.**R.** br. Adjuvabit eam, \* Deus vultu suo. Ad-  
juvabit.**V.** Deus in medio ejus, non commovebitur.  
Deus vultu.**Gloria Patri.** Adjuvabit.**V.** Elegit eam Deus, et praelegit eam.**R.** In tabernaculo suo habitare facit eam.**Ad Nonam.***Antiph.* Ecce ancilla Domini.**Capitulum.**

Isaiae 11:

**E**gredietur virga de radice Jesse, et flos

de radice ejus ascendet. Et requiescet super eum Spiritus Domini.

**R. br.** Elegit eam Deus, \* Et praelegit eam. Elegit.

**V.** In tabernaculo suo habitare facit eam. Et praelegit.

**Gloria Patri.** Elegit.

**V.** Diffusa est gratia in labiis tuis.

**R.** Propterea benedixit te Deus in aeternum.

In II. Vesp. dicuntur omnia ut supra in primis.

**Ad Magnificat, Antiph.** Gabriel Angelus locutus est Mariae, dicens: Ave gratia plena: Dominus tecum: Benedicta ut in mulieribus.

## DOMINICA RESURRECTIONIS.

*Duplex 1. classis.*

**Per Horas.**

**Ad Primam.**

Finitis Psalmis consuetis dicitur Antiph.

Haec dies, quam fecit Dominus: exultemus et laetemur in ea.

Postea dic. Oratio: Domine Deus omnipotens, pagina 39. cum reliquis.

**Lectio brevis.**

**S**i consurrexistis cum Christo, quae sursum sunt, quaerite, ubi Christus est in dextera Dei sedens: quae sursum sunt, sapite, non



quae super terram. Tu autem Domine miserere nobis. **R.** Deo gratias.

**Ad Tertiam, Sextam et Nonam.**

Finitis Psalmis cujuslibet Horae dicitur Antiphona et Oratio, ut sequitur:

Haec dies, quam fecit Dominus: exultemus et laetemur in ea.

Oremus.

Oratio.

**D**eus, qui hodierna die per Unigenitum tuum aeternitatis nobis aditum devicta morte reserasti: vota nostra, quae praeveniando aspiras, etiam adjuvando proseguere. Per eundem Dominum.

**Ad II. Vesperas.**

**Antiph.** Angelus autem Domini descendit de coelo, et accedens revolvit lapidem, et sedebat super eum, alleluja, alleluja.

**Psalm.** Dixit Dominus, **cum reliquis de Dominica pagina 54.**

**Antiph.** Et ecce terrae motus factus est magnus; Angelus enim Domini descendit de coelo, alleluja.

**Antiph.** Erat autem aspectus ejus sicut fulgur, vestimenta autem ejus sicut nix, alleluja.

**Antiph.** Prae timore autem ejus exterriti sunt custodes, et facti sunt velut mortui, alleluja.

**Antiph.** Respondens autem Angelus, dixit

mulieribus: Nolite timere; scio enim, quod Jesum quaeritis, alleluja.

*Postea Antiph. Haec dies, ut supra.*

*Ad Magnificat, Antiph.* Et respicientes viderunt revolutum lapidem: erat quippe magnus valde, alleluja.

*Oratio.* Deus, qui hodierna, ut supra.

## IN ASCENSIONE DOMINI.

*Duplex 1. classis.*

**Ad Vesperas et per Horas.**

*Antiph.* Viri Galilaei, quid aspicitis in coelum? Hic Jesus, qui assumptus est a vobis in coelum, sic veniet, alleluja.

*Psalm.* Dixit Dominus, cum reliquis de Dominica, pagina 54. et loco ultimi,

*Psalm.* Laudate Dominum omnes, pagina 61.

*Antiph.* Cumque intuerentur in coelum euntem illum, dixerunt, alleluja.

*Antiph.* Elevatis manibus benedixit eis, et ferebatur in coelum, alleluja.

*Antiph.* Exaltate Regem regum, et Hymnum dicite Deo, alleluja.

*Antiph.* Videntibus illis elevatus est, et nubes suscepit eum in coelo, alleluja.

**Capitulum.**

**Act. 1.**

**P**rimum quidem sermonem feci de omnibus, o Theophile, quae coepit Jesus facere, et

docere, usque in diem, qua, praecipiens Apostolis per Spiritum sanctum, quos elegit, assumptus est.

**Hymnus.**

**S**alutis humanae Sator,  
 Jesu voluptas cordium,  
 Orbis redempti Conditor,  
 Et casta lux amantium:  
 Qua victus es clementia,  
 Ut nostra ferres crimina?  
 Mortem subires innocens,  
 A morte nos ut tolleres?  
 Perrumpis infernum chaos;  
 Vinctis catenas detrahis;  
 Victor triumpho nobili  
 Ad dexteram Patris sedes.  
 Te cogat indulgentia,  
 Ut damna nostra sarcias,  
 Tuique vultus compotes  
 Dites beato lumine.  
 Tu Dux ad astra et semita,  
 Sis meta nostris cordibus,  
 Sis lacrymarum gaudium,  
 Sis dulce vitae praemium. Amen.

In aliis Hymnis ejusdem metri usque ad Pentecosten in fine dicitur:

Jesu, tibi sit gloria,  
 Qui victor in coelum redis,  
 Cum Patre et almo Spiritu  
 In sempiterna saecula. Amen.

**V.** Ascendit Deus in jubilatione, alleluja.

**R.** Et Dominus in voce tubae, alleluja.

**Ad Magnificat, Antiph.** Pater, manifestavi nomen tuum hominibus, quos dedisti mihi: nunc autem pro eis rogo, non pro mundo, quia ad te venio, alleluja.

Oremus.

Oratio.

**C**oncede, quaesumus, omnipotens Deus: ut, qui hodierna die Unigenitum tuum Redemptorem nostrum ad coelos ascendisse credimus, ipsi quoque mente in coelestibus habitemus. Per eundem Dominum.

**Ad Primam.**

**R. br.** Christe Fili Dei vivi, miserere nobis. \* Alleluja, alleluja. Christe.

**V.** Qui scandis super sidera. Allel., allel.

**Gloria Patri.** Christe.

**V.** Exurge Christe, adjuva nos, alleluja.

**R.** Et libera nos propter nomen tuum, allel.

*Sic dicitur quotidie usque ad Pentecosten.*

*Ad Absolutionem Capituli, Lectio brevis. Viri Galilaei, ut infra ad Nonam.*

**Ad Tertiam.**

**Antiph.** Cumque intuerentur.

**Capit.** Primum quidem sermonem.

**R. br.** Ascendit Deus in jubilatione, \* Alleluja, alleluja. Ascendit.

**V.** Et Dominus in voce tubae. Allel., allel.

**Gloria Patri.** Ascendit.



**V.** Ascendens Christus in altum, alleluja.

**R.** Captivam duxit captivitatem, alleluja.

**Ad Sextam.**

*Antiph.* Elevatis manibus.

**Capitulum.**

**Act. 1.**

**E**t convescens, praecepit eis, ab Jerosolymis ne discederent, sed expectarent promissionem Patris, quam audistis (inquit) per os meum: quia Joannes quidem baptizavit aqua, vos autem baptizabimini Spiritu sancto non post multos hos dies.

**R. br.** Ascendens Christus in altum, \* Alleluja, alleluja. Ascendens.

**V.** Captivam duxit captivitatem. Allel. allel.

**Gloria Patri.** Ascendens.

**V.** Ascendo ad Patrem meum, et Patrem vestrum, alleluja.

**R.** Deum meum, et Deum vestrum, alleluja.

**Ad Nonam.**

*Antiph.* Videntibus illis.

**Capitulum.**

**Act. 1. d.**

**V**iri Galilaei, quid statis aspicientes in coelum? Hic Jesus, qui assumptus est a vobis in coelum, sic veniet, quemadmodum vidistis eum euntem in coelum.

**R. br.** Ascendo ad Patrem meum, et Patrem vestrum, \* Alleluja, alleluja. Ascendo.

**V.** Deum meum, et Deum vestrum. Alleluja, alleluja.

**Gloria Patri. Ascendo.**

**V.** Dominus in coelo, alleluja.

**R.** Paravit sedem suam, allel.

**Ad II. Vesperas.**

*Antiph.* Viri Galilaei, cum reliquis ut supra.  
*Psalmi, Capitulum, et Hymnus ut supra in primis Vesper.*

**V.** Dominus in coelo, alleluja.

**R.** Paravit sedem suam, alleluja.

*Ad Magnificat, Antiph.* O Rex gloriae,  
Domine virtutum, qui triumphator hodie super  
omnes coelos ascendisti, ne derelinquas nos  
orphanos: sed mitte promissum Patris in nos  
Spiritus veritatis, alleluja.

*Oratio.* Concede quaesumus, ut supra.

## DOMINICA PENTECOSTES.

*Duplex 1. classis.*

### Ad Vesperas et per Horas.

*Antiph.* Cum complerentur dies Penteco-  
stes, erant omnes pariter in eodem loco, alleluja.

*Psalm.* Dixit Dominus, cum reliquis de Do-  
minica pagina 54. et loco ultimi

*Psalm.* Laudate Dominum omnes, pag. 61.

*Antiph.* Spiritus Domini replevit orbem  
terrarum, alleluja.

*Antiph.* Repleti sunt omnes Spiritu sancto,  
et coeperunt loqui, alleluja, alleluja.

*Antiph.* Fontes et omnia, quae moventur  
in aquis, hymnum dicite Deo, alleluja.

*Antiph.* Loquebantur variis linguis Apostoli  
magnalia Dei, alleluja, alleluja, alleluja.

**Capitulum.**

**Actor. 2.**

**C**um complerentur dies Pentecostes, erant  
omnes discipuli pariter in eodem loco: et  
factus est repente de coelo sonus tamquam  
advenientis spiritus vehementis, et replevit  
totam domum, ubi erant sedentes.

**Hymnus.**

**V**eni, Creator Spiritus,  
Mentes tuorum visita,  
Imple superna gratia,  
Quae tu creasti, pectora.  
Qui diceris Paraclitus,  
Altissimi donum Dei,  
Fons vivus, ignis, Caritas,  
Et spiritalis unctio.  
Tu septiformis munere,  
Digitus Paternae dexteræ,  
Tu rite promissum Patris,  
Sermonem ditans guttura.  
Accende lumen sensibus,  
Infunde amorem cordibus,  
Infirma nostri corporis  
Virtute firmans perpeti.  
Hostem repellas longius,  
Pacemque dones protinus,  
Ductore sic te praevio  
Vitemus omne noxium.

Per te sciamus da Patrem,  
 Noscamus atque Filium,  
 Teque utriusque Spiritum  
 Credamus omni tempore.

Deo Patri sit gloria,  
 Et Filio, qui a mortuis  
 Surrexit, ac Paraclito,  
 In saeculorum saecula. Amen.

*Sic terminantur Hymni usque ad Vesperas Sab-  
 bati sequentis.*

*V.* Repleti sunt omnes Spiritu sancto, allel.

*R.* Et coeperunt loqui, alleluja.

*Ad Magnificat, Antiph.* Non vos relin-  
 quam orphanos, alleluja: vado et venio ad  
 vos, alleluja: et gaudebit cor vestrum, alleluja.

Oremus.

*Oratio.*

**D**eus, qui hodierna die corda fidelium sancti  
 Spiritus illustratione docuisti: da nobis in  
 eodem Spiritu recta sapere, et de ejus semper  
 consolatione gaudere. Per Dominum nostrum,  
 in unitate ejusdem Spiritus sancti Deus.

*Ad Primam.*

*R. br.* Christe Fili Dei vivi, miserere no-  
 bis, \* Alleluja Alleluja. Christe.

*V.* Qui sedes ad dexteram Patris. Alle-  
 luja, alleluja.

*Gloria Patri.* Christe.

*V.* Exurge Christe, adjuva nos, alleluja.

*R.* Et libera nos propter nomen tuum, allel.



**Ad Tertiam.**

*Hymnus.* Veni, Creator Spiritus, ut supra  
in Vesperis, qui dicitur ad Tertiam per totam Octavam,  
loco Hymni: Nunc sancte.

*Antiph.* Spiritus Domini.

*Capitul.* Cum complerentur, ut supra.

*R. br.* Spiritus Domini replevit orbem terrarum, \* Alleluja, alleluja. Spiritus.

*V.* Et hoc quod continet omnia, scientiam habet vocis. Alleluja, alleluja.

*Gloria Patri.* Spiritus.

*V.* Spiritus Paraclitus, alleluja.

*R.* Docebit vos omnia, alleluja.

**Ad Sextam.**

*Antiph.* Repleti sunt omnes.

**Capitulum.**

Actor. 2.

**F**acta autem hac voce, convenit multitudo, et mente confusa est: quoniam audiebat unusquisque lingua sua illos loquentes.

*R. br.* Spiritus Paraclitus, \* Alleluja, alleluja. Spiritus.

*V.* Docebit vos omnia. Alleluja, alleluja.

*Gloria Patri.* Spiritus.

*V.* Repleti sunt omnes Spiritu sancto, allel.

*R.* Et coeperunt loqui, alleluja.

**Ad Nonam.**

*Antiph.* Loquebantur.

**Capitulum.**

Act. 2. b.

**J**udaei quoque, et Proselyti, Cretes, et

Arabes: audivimus eos loquentes nostris linguis magnalia Dei.

**R. br.** Repleti sunt omnes Spiritu sancto, \*  
Alleluja, alleluja. Repleti.

**V.** Et coeperunt loqui. Alleluja, alleluja.

**G**loria Patri. Repleti.

**V.** Loquebantur variis linguis Apostoli, alleluja.

**R.** Magnalia Dei, alleluja.

**Ad II. Vesperas.**

**Antiph.** Cum complerentur, ut supra.

**Psalm.** Dixit Dominus, cum reliq. de Dominica, qui dicuntur quotidie per Octavam.

**Capitul.** Cum complerentur.

**Hymn.** Veni, Creator Spiritus.

**V.** Loquebantur variis linguis Apostoli, alleluja.

**R.** Magnalia Dei, alleluja.

**Ad Magnificat, Antiph.** Hodie completi sunt dies Pentecostes, alleluja: hodie Spiritus sanctus in igne discipulis apparuit, et tribuit eis charismatum dona: misit eos in universum mundum praedicare, et testificari: qui crediderit, et baptizatus fuerit, salvus erit, alleluja.

Oremus.

Oratio.

**D**eus, qui hodierna die, ut supra.

**IN FESTO  
CORPORIS CHRISTI.**

*Duplex 1. classis.*

**Ad Vesperas et per Horas.**

*Antiph.* Sacerdos in aeternum Christus Dominus secundum ordinem Melchisedech, panem et vinum obtulit.

*Psalm.* Dixit Dominus, *pagina 54.*

*Antiph.* Miserator Dominus escam dedit timentibus se in memoriam suorum mirabilium.

*Psalm.* Confitebor tibi, *pagina 55.*

*Antiph.* Calicem salutaris accipiam, et sacrificabo hostiam laudis.

*Psalm.* Credidi, *pagina 61.*

*Antiph.* Sicut novellae olivarum, Ecclesiae filii sint in circuitu mensae Domini.

*Psalm.* Beati omnes qui timent, *pagina 62.*

*Antiph.* Qui pacem ponit fines Ecclesiae, frumenti adipe satiat nos Dominus.

*Psalm.* Lauda Jerusalem, *pagina 69.*

**Capitulum.** 1. Cor. 11. c.

**F**ratres, Ego enim accepi a Domino, quod et tradidi vobis: quoniam Dominus Jesus in qua nocte tradebatur, accepit panem, et gratias agens fregit, et dixit: Accipite, et manducate: hoc est corpus meum, quod pro vobis tradetur: hoc facite in meam commemorationem.

## Hymnus.

**P**ange lingua gloriosi  
 Corporis mysterium,  
 Sanguinisque pretiosi,  
 Quem in mundi pretium,  
 Fructus ventris generosi  
 Rex effudit Gentium.

Nobis datus, nobis natus  
 Ex intacta Virgine,  
 Et in mundo conversatus,  
 Sparso verbi semine,  
 Sui moras incolatus  
 Miro clausit ordine.

In supremæ nocte coenæ  
 Recumbens cum fratribus,  
 Observata lege plene  
 Cibis in legalibus,  
 Cibum turbae duodenæ  
 Se dat suis manibus.

Verbum caro, panem verum  
 Verbo carnem efficit:  
 Fitque sanguis Christi merum,  
 Et si sensus deficit:  
 Ad firmandum cor sincerum  
 Sola fides sufficit.

Tantum ergo Sacramentum  
 Veneremur cernui:  
 Et antiquum documentum  
 Novo cedat ritui:



Praestet fides supplementum  
Sensuum defectui.

Genitori, Genitoque  
Laus et jubilatio,  
Salus, honor, virtus quoque  
Sit et benedictio,  
Procedenti ab utroque  
Compar sit laudatio. Amen.

**V.** Panem de coelo praestitisti eis, alleluja.

**R.** Omne delectamentum in se habentem,  
alleluja.

*Ad Magnificat, Antiph.* O quam suavis  
est Domine spiritus tuus, qui ut dulcedinem  
tuam in filios demonstrares, pane suavissimo  
de coelo praestito, esurientes reple bonis,  
fastidiosos divites dimittens inanes!

Oremus.

*Oratio.*

**D**eus, qui nobis sub Sacramento mirabili,  
passionis tuae memoriam reliquisti: tribue  
quaesumus, ita nos Corporis et Sanguinis  
tui sacra mysteria venerari; ut redemptionis  
tuae fructum in nobis jugiter sentiamus. Qui  
vivis et regnas cum Deo Patre.

*Ad Completorium, et per Horas, in fine Hymno-  
rum, dicitur:*

Jesu, tibi sit gloria,  
Qui natus es de Virgine,  
Cum Patre et almo Spiritu,  
In sempiterna saecula. Amen.

**Ad Primam.**

*Antiph.* Sapientia aedificavit sibi domum, miscuit vinum, et posuit mensam, alleluja.

*R. br.* Qui natus es de Maria Virgine.

**Ad Tertiam.**

*Antiph.* Angelorum esca nutritivisti populum tuum, et panem de coelo praestitisti eis, allel.

**Capitulum. 1. Cor. 11.**

**F**ratres, ut supra in Vesp.

*R. br.* Panem coeli dedit eis, \* Alleluja, alleluja. Panem.

*V.* Panem Angelorum manducavit homo. Alleluja, alleluja.

**G**loria Patri. Panem coeli.

*V.* Cibavit illos ex adipe frumenti, alleluja.

*R.* Et de petra, melle saturavit eos, allel.

**Ad Sextam.**

*Antiph.* Pinguis est panis Christi, et praebebit delicias regibus, alleluja.

**Capitulum. 1. Cor. 11.**

**Q**uotiescumque enim manducabitis panem hunc, et calicem bibetis, mortem Domini annuntiabitis, donec veniat.

*R. br.* Cibavit illos ex adipe frumenti, \* Alleluja, alleluja. Cibavit.

*V.* Et de petra, melle saturavit eos. Alleluja, alleluja.

**G**loria Patri. Cibavit.

**V.** Educas panem de terra, alleluja.

**R.** Et vinum laetificet cor hominis, alleluja.

**Ad Nonam.**

**Antiph.** Vincenti dabo manna absconditum, et nomen novum, alleluja.

**Capitulum.** 1. Cor. 11.

**Q**uicumque manducaverit panem hunc, vel biberit calicem Domini indigne: reus erit corporis et sanguinis Domini.

**R. br.** Educas panem de terra, \* Alleluja, alleluja. Educas.

**V.** Et vinum laetificet cor hominis. Alleluja alleluja.

**Gloria Patri.** Educas panem de terra.

**V.** Posuit fines tuos pacem, alleluja.

**R.** Et adipe frumenti satiat te, alleluja.

**In II. Vesperis.**

**Omnia dicuntur sicut in primis Vesperis.**

**V.** Panem de coelo praestitisti eis, alleluja.

**R.** Omne delectamentum in se habentem, alleluja.

**Ad Magnificat, Antiph.** O sacrum convivium, in quo Christus sumitur, recolitur memoria passionis ejus: mens impletur gratia: et futurae gloriae nobis pignus datur, allel.

**Oratio.** Deus, qui nobis, **ut supra.**

DIE XXIX. JUNII.

IN FESTO

SS. APOT. PETRI &amp; PAULI.

*Duplex 1. classis.***Ad Vesperas et per Horas.***Antiph.* Petrus et Joannes ascendebant in templum ad horam orationis nonam.*Psalm.* Dixit Dominus, *cum reliquis de Dominica pagina 54. et loco ultimi**Psalm.* Laudate Dominum omnes gentes. Pagina 61.*Antiph.* Argentum et aurum non est mihi, quod autem habeo, hoc tibi do.*Antiph.* Dixit Angelus ad Petrum: Circumda tibi vestimentum tuum, et sequere me.*Antiph.* Misit Dominus Angelum suum, et liberavit me de manu Herodis, alleluja.*Antiph.* Tu es Petrus, et super hanc petram aedificabo Ecclesiam meam.**Capitulum.**

Act. 12.

**M**isit Herodes rex manus, ut affligeret quosdam de Ecclesia. Occidit autem Jacobum fratrem Joannis gladio. Videns autem quia placeret Judaeis, apposuit ut apprehenderet et Petrum.**Hymnus.****D**ecora lux aeternitatis auream  
Diem beatis irrigavit ignibus,



Apostolorum quae coronat Principes,  
 Reisque in astra liberam pandit viam.  
 Mundi Magister, atque coeli Janitor,  
 Romae parentes, arbitrique Gentium,  
 Per ensis ille, hic per crucis victor necem,  
 Vitae senatum laureati possident.

O Roma felix, quae duorum Principum  
 Es consecrata glorioso sanguine:  
 Horum cruore purpurata ceteras  
 Excellis orbis una pulchritudines.

Sit Trinitati sempiterna gloria,  
 Honor, potestas atque jubilatio,  
 In unitate, quae gubernat omnia  
 Per universa saeculorum saecula. Amen.

*V.* In omnem terram exivit sonus eorum.

*R.* Et in fines orbis terrae verba eorum.

*Ad Magnificat, Antiph.* Tu es pastor  
 ovium, princeps Apostolorum, tibi traditae  
 sunt claves regni coelorum.

Oremus.

*Oratio.*

**D**eus, qui hodiernam diem Apostolorum tuo-  
 rum Petri et Pauli martyrio consecrasti: da  
 Ecclesiae tuae, eorum in omnibus sequi prae-  
 ceptum, per quos religionis sumpsit exordium.  
 Per Dominum nostrum.

*Et fit com. omnium Ss. Apostolorum tantum.*

*Antiph.* Tradent enim vos in conciliis, et  
 synagogis suis flagelabunt vos, et ante reges

et praesides ducemini propter me in testimonium illis et gentibus.

*V.* Annuntiaverunt opera Dei.

*R.* Et facta ejus intellexerunt.

Oremus.

*Oratio.*

**D**a, quaesumus, omnipotens Deus, ut beatorum Apostolorum, quorum hodie commemorationem colimus, veneranda solemnitas, et devotionem nobis augeat et salutem. Per Dominum.

*Ad Tertiam.*

*Antiph.* Argentum et aurum.

*Capitul.* Misit Herodes.

*R. br.* In omnem terram, \* Exivit sonus eorum. In omnem.

*V.* Et in fines orbis terrae verba eorum Exivit.

*Gloria.* In omnem.

*V.* Constitues eos principes super omnem terram.

*R.* Memores erunt nominis tui Domine.

*Ad Sextam.*

*Antiph.* Dixit Angelus.

*Capitulum.*

*Act. 12.*

**P**etrus quidem servabatur in carcere. Oratio autem fiebat sine intermissione ab Ecclesia ad Deum pro eo.

*R. br.* Constitues eos principes, \* Super omnem terram. Constitues.

**V.** Memores erunt nominis tui Domine.  
**Super.**

**Gloria Patri.** Constitues.

**V.** Nimis honorati sunt amici tui Deus.

**R.** Nimis confortatus est principatus eorum.

**Ad Nonam.**

**Antiph.** Tu es Petrus.

**Capitulum.**

**Act. 12. b.**

**E**t Petrus ad se reversus, dixit: Nunc scio vere, quia misit Dominus Angelum suum, et eripuit me de manu Herodis, et de omni expectatione plebis Judaeorum.

**R. br.** Nimis honorati sunt, \* Amici tui Deus. Nimis.

**V.** Nimis confortatus est principatus eorum.  
**Amici.**

**Gloria Patri.** Nimis.

**V.** Annuntiaverunt opera Dei.

**R.** Et facta ejus intellexerunt.

**In II. Vesperis.**

**Antiph.** Juravit Dominus et non poenitebit eum: Tu es sacerdos in aeternum.

**Psalm.** Dixit Dominus, pagina 54.

**Antiph.** Collocet eum Dominus cum principibus populi sui.

**Psalm.** Laudate pueri, pagina 57.

**Antiph.** Dirupisti Domine vincula mea, tibi sacrificabo hostiam laudis.

**Psalm.** Credidi, pagina 61.

*Antiph.* Euntes ibant et flebant, mittentes semina sua.

*Psalm.* In convertendo, pagina 64.

*Antiph.* Confortatus est principatus eorum, et honorati sunt amici tui Deus.

*Psalm.* Domine probasti me, pagina 65.

Capitulum et Hymnus, ut supra in I. Vesperis.

*V.* Annuntiaverunt opera Dei.

*R.* Et facta ejus intellexerunt.

*Ad Magnificat, Antiph.* Hodie Simon Petrus ascendit crucis patibulum, alleluja: hodie clavicularius regni gaudens migravit ad Christum: hodie Paulus Apostolus, lumen orbis terrae, inclinato capite pro Christi nomine martyrio coronatus est, alleluja.

*Oratio.* Deus, qui hodierna die, ut supra pagina 125.

Fit com. omnium Ss. Apostolorum.

*Antiph.* Estote fortes in bello, et pugnate cum antiquo serpente, et accipietis regnum aeternum, alleluja.

*V.* Constitues eos principes super omnem terram.

*R.* Memores erunt nominis tui, Domine.

*Oratio* ut supra in I. Vesp.



DIE XV. AUGUSTI.

IN FESTO

## ASSUMPTIONIS B. MARIAE VIRG.

*Duplex 1. classis.***Ad Vesperas et per Horas.***Antiph.* Assumpta est Maria in coelum, gaudent Angeli, laudantes benedicunt Dominum.*Psalmi ut supra pagina 67.**Antiph.* Maria Virgo assumpta est ad aethereum thalamum, in quo Rex regum stellato sedet solio.*Antiph.* In odorem unguentorum tuorum currimus: adolescentulae dilexerunt te nimis.*Antiph.* Benedicta filia tua Domino: quia per te fructum vitae communicavimus.*Antiph.* Pulchra es, et decora filia Jerusalem, terribilis ut castrorum acies ordinata.**Capitulum.****Eecli. 24.****I**n omnibus requiem quaesivi, et in haereditate Domini morabor. Tunc praecepit, et dixit mihi Creator omnium: et qui creavit me, requievit in tabernaculo meo.*Hymnus.* Ave maris stella, *ut supra pag. 70.**V.* Exaltata est sancta Dei genitrix.*R.* Super choros Angelorum ad coelestia regna.*Ad Magnificat, Antiph.* Virgo prudentissima, quo progredieris, quasi aurora valde

rutilans? filia Sion, tota formosa et suavis es; pulchra ut luna, electa ut sol.

Oremus.

Oratio.

**F**amulorum tuorum, quaesumus, Domine, delictis ignosce: ut, qui tibi placere de actibus nostris non valemus, genitricis Filii tui Domini nostri intercessionem salvemur. Qui tecum vivit et regnat.

In fine Hymnor. Complet. et Horar. per totam Octav. dicitur:

Jesu, tibi sit gloria,  
Qui natus es de Virgine, etc.

Ad Primam.

*Antiph.* Assumpta est.

*R. br.* Christe Fili Dei vivi.

*V.* Qui natus es de Maria Virgine.

Ad Tertiam.

*Antiph.* Maria Virgo.

*Capit.* In omnibus requiem, ut supra.

*R. br.* Exaltata est, \* Sancta Dei genitrix. Exaltata.

*V.* Super choros Angelorum ad coelestia regna. Sancta.

Gloria Patri. Exaltata.

*V.* Assumpta est Maria in coelum, gaudent Angeli.

*R.* Laudantes benedicunt Dominum.

Ad Sextam.

*Antiph.* In odorem.

**Capitulum.** **Eccli. 24. b.**

**E**t sic in Sion firmata sum, et in civitate sanctificata similiter requievi, et in Jerusalem potestas mea. Et radicavi in populo honorificato, et in parte Dei mei haereditas illius, et in plenitudine Sanctorum detentio mea.

**R. br.** Assumpta est Maria in coelum, \*  
Gaudent Angeli. Assumpta est.

**V.** Laudantes benedicunt Dominum. Gaudent.  
Gloria Patri. Assumpta.

**V.** Maria Virgo assumpta est ad aethereum thalamum.

**R.** In quo Rex regum stellato sedet solio.

**Ad Nonam.**

**Antiph.** Pulchra es.

**Capitulum.** **Eccli. 24. b.**

**I**n plateis, sicut cinnamomum et balsamum aromatizans odorem dedi: quasi myrrha electa dedi suavitatem odoris.

**R. br.** Maria Virgo assumpta est, \* Ad aethereum thalamum. Maria.

**V.** In quo Rex regum stellato sedet solio.  
Ad aethereum.

Gloria Patri. Maria.

**V.** Dignare me laudare te, Virgo sacrata.

**R.** Da mihi virtutem contra hostes tuos.

**In II. Vesperis.**

**Antiph.** Assumpta est Maria, cum reliquis ut supra in primis Vesperis.

**V.** Exaltata est sancta Dei genitrix.

**R.** Super choros Angelorum ad coelestia regna.

*Ad Magnificat, Antiph.* Hodie Maria Virgo coelos ascendit: gaudete, quia cum Christo regnat in aeternum.

*Oratio.* Famulorum, ut supra.

Deinde fit com. S. Rochi.

*Antiph.* Similabo eum viro sapienti, qui aedificavit domum suam supra petram.

**V.** Amavit eum Dominus, et ornavit eum.

**R.** Stulam gloriae induit eum.

Oremus.

*Oratio.*

**P**opulum tuum, quaesumus, Domine, continua pietate custodi, et beati Rochi suffragantibus meritis, ab omni fac animae et corporis contagione securum. Per Dominum.

DOMINICA III. OCTOBRIS.

IN DEDICATIONE

OMNIUM ECCLESIARUM CONSECR.

*Duplex 1. classis.*

Ad Vesperas et per Horas.

*Antiph.* Domum tuam, Domine, decet sanctitudo in longitudinem dierum.

*Psalm.* Dixit Dominus, cum reliquis de Dominica pagina 54. et loco ultimi,

*Psalm.* Lauda Jerusalem, pagina 69.



*Antiph.* Domus mea, domus orationis vocabitur.

*Antiph.* Haec est domus Domini firmiter aedificata, bene fundata est supra firmam petram.

*Antiph.* Bene fundata est domus Domini supra firmam petram.

*Antiph.* Lapides pretiosi omnes muri tui, et tures Jerusalem gemis aedificabuntur.

### Capitulum.

Apoc. 21.

**V**idi civitatem sanctam Jerusalem novam descendentem de coelo a Deo, paratam sicut sponsam ornata viro suo.

### Hymnus.

**C**oelestis Urbs Jerusalem,  
 Beata pacis visio,  
 Quae celsa de viventibus  
 Saxis ad astra tolleris,  
 Sponsaeque ritu cingeris  
 Mille Angelorum millibus.

**O** sorte nupta prospera,  
 Dotata Patris gloria,  
 Respersa Sposi gratia,  
 Regina formosissima,  
 Christo jugata Principi,  
 Coeli corusca civitas.

Hic margaritis emicant,  
 Patentque cunctis ostia:  
 Virtute namque praevia,  
 Mortalis illuc ducitur,

Amore Christi percitus  
 Tormenta quisquis sustinet.  
 Scalpri salubris ictibus,  
 Et tunsione plurima,  
 Fabri polita malleo  
 Hanc saxa molem construunt,  
 Aptisque juncta nexibus  
 Locantur in fastigio.

Decus Parenti debitum  
 Sit usquequaque Altissimo,  
 Natoque Patris unico,  
 Et inclyto Paraclito,  
 Cui laus, potestas, gloria  
 Aeterna sit per saecula. Amen.

**V.** Haec est domus Domini firmiter aedificata.

**R.** Bene fundata est supra firmam petram.

*Ad Magnificat, Antiph.* Sanctificavit Dominus tabernaculum suum: quia haec est domus Dei, in qua invocabitur nomen ejus, de quo scriptum est: Et erit nomen meum ibi, dicit Dominus.

Oremus.

*Oratio.*

**D**eus, qui nobis per singulos annos hujus sancti templi tui consecrationis reparas diem, et sacris semper mysteriis repraesentas incolumes: exaudi preces populi tui, et praesta; ut quisquis hoc templum beneficia petiturus ingreditur, cuncta se impetrasse laetetur. Per Dominum.

**Ad Tertiam.****Antiph.** Domus mea.**Capitul.** Vidi civitatem.**R. br.** Domum tuam Domine, \*Decet sanctitudo. Domum.**V.** In longitudinem dierum. Decet sanctitudo.**Gloria Patri.** Domum.**V.** Locus iste sanctus est, in quo orat sacerdos.**R.** Pro delictis et peccatis populi.**Ad Sextam.****Antiph.** Haec est domus Domini.**Capitulum.**

Apoc. 21.

**R.** audiavi vocem magnam de throno, dicentem: Ecce tabernaculum Dei cum hominibus, et habitabit cum eis. Et ipsi populus ejus erunt, et ipse Deus cum eis erit eorum Deus.**R. br.** Locus iste sanctus est, \*In quo orat sacerdos. Locus.**V.** Pro delictis et peccatis populi. In quo.**Gloria Patri.** Locus.**V.** Haec est domus Domini firmiter aedificata.**R.** Bene fundata est supra firmam petram.**Ad Nonam.****Antiph.** Lapidis pretiosi.**Capitulum.**

Apoc. 21. b.

**R.** absterget Deus omnem lacrymam ab ocu-

lis eorum, et mors ultra non erit, neque luctus, neque clamor, neque dolor erit ultra, quia prima abierunt. Et dixit, qui sedebat in throno: Ecce nova facio omnia.

**R. br.** Haec est domus Domini, \* Firmiter aedificata. Haec est.

**V.** Bene fundata est supra firmam petram. Firmiter.

**Gloria Patri.** Haec est.

**V.** Bene fundata est domus Domini.

**R.** Supra firmam petram.

### In II. Vesperis.

**Antiph., Psalmi, Capit. et Hymnus ut in primis Vesperis.**

**V.** Domum tuam Domine decet sanctitudo.

**R.** In longitudinem dierum.

**Ad Magnificat, Antiph.** O quam metuendus est locus iste: vere non est hic aliud, nisi domus Dei, et porta coeli.

**Oratio ut supra.**

---

## DIE I. NOVEMBRIS.

### IN FESTO

## OMNIUM SANCTORUM.

### Duplex 1. classis.

### Ad Vesperas et per Horas.

**Antiph.** Vidi turbam magnam, quam dinumerare nemo poterat, ex omnibus gentibus, stantes omnes ante thronum.



*Psalm.* Dixit Dominus, cum reliquis de Dominica pagina 54. et loco ultimi,

*Psalm.* Laudate Dominum omnes, pag. 61.

*Antiph.* Et omnes Angeli stabant in circuitu throni, et ceciderunt in conspectu throni in facies suas, et adoraverunt Deum.

*Antiph.* Redemisti nos Domine Deus in sanguine tuo ex omni tribu, et lingua, et populo, et natione, et fecisti nos Deo nostro regnum.

*Antiph.* Benedicite Dominum omnes electi ejus, agite dies laetitiae, et confitemini illi.

*Antiph.* Hymnus omnibus Sanctis ejus, filiis Israel, populo appropinquantis sibi: gloria haec est omnibus Sanctis ejus.

### Capitulum.

Apoc. 7

**E**cce ego Joannes vidi alterum Angelum ascendentem ab ortu solis, habentem signum Dei vivi: et clamavit voce magna quatuor Angelis, quibus datum est nocere terrae et mari, dicens: Nolite nocere terrae et mari, neque arboribus, quoadusque signemus servos Dei nostri in frontibus eorum.

### Hymnus.

**P**lacare, Christe, servulis,  
Quibus Patris clementiam  
Tuae ad tribunal gratiae  
Patrona Virgo postulat.

Et vos beata, per novem  
 Distincta gyros, Agmina,  
 Antiqua cum praesentibus,  
 Futura damna pellite.

Apostoli cum Vatibus  
 Apud severum Judicem,  
 Veris reorum fletibus  
 Exposcite indulgentiam.

Vos purpurati Martyres,  
 Vos candidati praemio  
 Confessionis, exules  
 Vocate nos in patriam.

Chorea casta Virginum,  
 Et quos eremus incolas  
 Transmisit astris, Coelitum  
 Locate nos in sedibus.

Auferte gentem perfidam  
 Credentium de finibus;  
 Ut unus omnes unicum  
 Ovile nos Pastor regat.

Deo Patri sit gloria,  
 Natoque Patris unico,  
 Sancto simul Paraclito,  
 In sempiterna saecula. Amen.

**V.** Laetamini in Domino, et exultate justi.

**R.** Et gloriamini omnes recti corde.

**Ad Magnificat, Antiph.** Angeli, Arch-  
 angeli, Throni, et Dominationes, Principatus  
 et Potestates, Virtutes coelorum, Cherubim  
 atque Seraphim, Patriarchae et Prophetae,

sancti legis Doctores, Apostoli, omnes Christi Martyres, sancti Confessores, Virgines Domini, Anachoretæ, Sanctique omnes intercedite pro nobis.

Oremus.

*Oratio.*

**O**mnipotens, sempiternè Deus, qui nos omnium Sanctorum tuorum merita sub una tribuisti celebritate venerari: quaesumus, ut desideratam nobis tuæ propitiationis abundantiam, multiplicatis intercessoribus largiaris. Per Dominum.

*Ad Tertiam.*

*Antiph.* Et omnes Angeli.

*R. br.* Laetamini in Domino, \* Et exultate justi. Laetamini.

*V.* Et gloriamini omnes recti corde. Et exultate.

Gloria Patri. Laetamini.

*V.* Exultent justi in conspectu Dei.

*R.* Et delectentur in laetitia.

*Ad Sextam.*

*Antiph.* Redemisti nos.

*Capitulum.*

*Apoc. 7. c.*

**P**ost hæc vidi turbam magnam, quam dinumerare nemo poterat, ex omnibus gentibus, et tribubus, et populis, et linguis, stantes ante thronum Dei, in conspectu Agni, amicti stolis albis, et palmae in manibus eorum.

**R. br.** Exultent justi, \* In conspectu Dei.  
**Exultent.**

**V.** Et delectentur in laetitia. In conspectu.  
**Gloria Patri. Exultent.**

**V.** Justi autem in perpetuum vivent.

**R.** Et apud Dominum est merces eorum.

**Ad Nonam.**

**Antiph.** Hymnus omnibus Sanctis ejus.

**Capitulum.**

**Apoc. 7. c.**

**B**enedictio, et claritas, et sapientia, et gratiarum actio, honor, virtus, et fortitudo Deo nostro, in saecula saeculorum. Amen.

**R. br.** Justi autem, \* In perpetuum vivent. **Justi.**

**V.** Et apud Dominum est merces eorum.  
**In perpetuum.**

**Gloria Patri. Justi.**

**V.** Exultabunt Sancti in gloria.

**R.** Laetabuntur in cubilibus suis.

**Ad II. Vesperas.**

**Antiph.** Vidi turbam magnam, cum reliq. de Laudibus.

**Psalm.** Dixit Dominus, cum reliq. de Dominica, pagina 54. et loco ultimi,

**Psalm.** Credidi, pagina 61.

**Capit.** Ecce ego Joannes.

**Hymn.** Placare, Christe, ut supra in I. Vesp.


**V.** Exultabunt Sancti in gloria.

**R.** Laetabuntur in cubilibus suis.



*Ad Magnificat, Antiph.* O quam gloriosum est regnum, in quo cum Christo gaudent omnes Sancti, amicti stolis albis sequuntur Agnum, quocumque ierit.

*Oratio.* Omnipotens, sempiternus Deus.



## MISSA VOTIVA

### DE SS. TRINITATE.

*Sacerdos.* In nomine Patris et Filii et Spiritus sancti. Amen.

*Antiph.* Introibo ad altare Dei.

*Minister. R.* Ad Deum, qui laetificat juventutem meam.

#### Psalmus 42.

*S.* Judica me Deus, et discerne causam meam de gente non sancta: ab homine iniquo et doloso erue me.

*M.* Quia tu es Deus, fortitudo mea: quare me repulisti et quare tristis incedo, dum affligit me inimicus?

*S.* Emitte lucem tuam et veritatem tuam: ipsa me deduxerunt, et adduxerunt in montem sanctum tuum, et in tabernacula tua.

*M.* Et introibo ad altare Dei: ad Deum, qui laetificat juventutem meam.

*S.* Confitebor tibi in cithara Deus, Deus

meus: quare tristis es anima mea, et quare conturbas me?

**M.** Spera in Deo, quoniam adhuc confitebor illi: salutare vultus mei, et Deus meus.

**S.** Gloria Patri et Filio et Spiritui sancto.

**M.** Sicut erat in principio et nunc et semper, et in saecula saeculorum. Amen.

**S. Antiph. rep.** Introibo ad altare Dei.

**M.** Ad Deum, qui laetificat juventutem meam. \*)

**S.** Adjutorium nostrum in nomine Domini.

**M.** Qui fecit coelum et terram.

**S.** Confiteor Deo omnipotenti, beatæ Mariæ semper Virgini, beato Michaeli archangelo, beato Joanni Baptistæ, sanctis apostolis Petro et Paulo, omnibus sanctis, et vobis, fratres: quia peccavi nimis cogitatione, verbo et opere: mea culpa, mea culpa, mea maxima culpa! Ideo precor beatam Mariam semper Virginem, beatum Michaellem archangelum, beatum Joannem Baptistam, sanctos apostolos Petrum et Paulum, omnes sanctos, et vos fratres, orare pro me ad Dominum Deum nostrum.

**M.** Misereatur tui omnipotens Deus et dimissis peccatis tuis perducatur te ad vitam æternam.

**S.** Amen.

\*) In missis defunctorum et in missis de tempore a dominica passionis usque ad sabbatum sanctum exclusive omittitur psalmus: „Judica“ cum „Gloria Patri“ et repetitione antiphonæ.

**M.** Confiteor Deo omnipotenti, beatæ Mariæ semper Virgini, beato Michaeli archangelo, beato Joanni Baptistæ, sanctis apostolis Petro et Paulo, omnibus sanctis, et tibi, Pater: quia peccavi nimis cogitatione, verbo et opere: mea culpa, mea culpa, mea maxima culpa! Ideo precor beatam Mariam semper Virginem, beatum Michaellem archangelum, beatum Joannem Baptistam, sanctos apostolos Petrum et Paulum, omnes sanctos, et te Pater, orare pro me ad Dominum Deum nostrum.

**S.** Misereatur vestri omnipotens Deus, et dimissis peccatis vestris perducatur vos ad vitam æternam.

**M.** Amen.

**S.** Indulgentiam, absolutionem, et remissionem peccatorum nostrorum tribuat nobis omnipotens et misericors Dominus.

**M.** Amen.

**S.** Deus tu conversus vivificabis nos.

**M.** Et plebs tua lætabitur in te.

**S.** Ostende nobis, Domine, misericordiam tuam.

**M.** Et salutare tuum da nobis.

**S.** Domine, exaudi orationem meam.

**M.** Et clamor meus ad te veniat.

**S.** Dominus vobiscum.

**M.** Et cum spiritu tuo.

*Ascendens ad altare.* Oremus. Aufer a nobis, quaesumus, Domine, iniquitates nostras,

ut ad sancta sanctorum puris mereamur mentibus introire. Per Christum Dominum nostrum. Amen.

*Osculans altare.* Oramus te, Domine, per merita sanctorum tuorum, quorum reliquiae hic sunt, et omnium sanctorum: ut indulgere digneris omnia peccata mea. Amen.

*Benedicens incensum in missa solenni:* Ab illo benedicaris, in cuius honore cremaberis. Amen.

### Introitus.

**B**enedicta sit sancta Trinitas atque indivisa unitas: confitebimur ei, quia fecit nobiscum misericordiam suam.

*Psalm.* Domine Dominus noster, quam admirabile est nomen tuum in universa terra. Gloria Patri. Sicut erat.

Benedicta sit sancta Trinitas atque indivisa unitas: confitebimur ei, quia fecit nobiscum misericordiam suam.

*S.* Kyrie eleison. *M.* Kyrie eleison. *S.* Kyrie eleison. *M.* Christe eleison. *S.* Christe eleison. *M.* Christe eleison. *S.* Kyrie eleison. *M.* Kyrie eleison. *S.* Kyrie eleison.

### Hymnus Angelicus. \*)

Gloria in excelsis Deo. Et in terra pax

\*) Non dicitur in missis votivis privatis, nisi in missa B. Mariae in sabbato, et Angelorum, neque dicitur in missis defunctorum.



hominibus bonae voluntatis. Laudamus te. Benedicimus te. Adoramus te. Glorificamus te. Gratias agimus tibi propter magnam gloriam tuam. Domine Deus, Rex coelestis, Deus Pater omnipotens. Domine Fili unigenite, Jesu Christe Domine Deus, Agnus Dei, Filius Patris. Qui tollis peccata mundi, miserere nobis. Qui tollis peccata mundi, suscipe deprecationem nostram. Qui sedes ad dexteram Patris, miserere nobis. Quoniam tu solus sanctus, tu solus Dominus, tu solus altissimus, Jesu Christe, cum sancto Spiritu in gloria Dei Patris. Amen.

**S.** Dominus vobiscum.

**M.** Et cum spiritu tuo.

### **Collecta.**

Oremus.

**Oratio.**

Omnipotens, sempiternae Deus, qui dedisti famulis tuis in confessione verae fidei aeternae Trinitatis gloriam agnoscere, et in potentia Majestatis adorare unitatem: quaesumus, ut ejusdem fidei firmitate ab omnibus semper muniamur adversis. Per Dominum nostrum.

**M.** Amen.

### **Epistola.**

**2. Cor. 13.**

Lectio epistolae beati Pauli apostoli ad Corinthios. Fratres, gaudete, perfecti estote, exhortamini, idem sapite, pacem habete: et Deus pacis et dilectionis erit vobiscum. Gratia

Domini nostri Jesu Christi, et charitas Dei, et communicatio sancti Spiritus sit cum omnibus vobis. Amen.

*M.* Deo gratias.

*Graduale.* Benedictus es Domine, qui intueris abyssos, et sedes super cherubim.

*V.* Benedictus es, Domine, in firmamento coeli, et laudabilis in saecula. Allel., allel.

*V.* Benedictus es Domine, Deus patrum nostrorum, et laudabilis in saecula. Allel.

*Post septuagesimam omissio*, „Alleluja“ *et versu sequenti dicitur tractus.* Te Deum Patrem ingenitum, te Filium unigenitum, te Spiritum sanctum Paraclitum, sanctam et individuum Trinitatem, toto corde confitemur, laudamus atque benedicimus.

*V.* Quoniam magnus es tu, et faciens mirabilia: tu es Deus solus.

*V.* Tibi laus, tibi gloria, tibi gratiarum actio in saecula sempiterna, o beata Trinitas!

*Tempore paschali omittitur graduale, et ejus loco dicitur:* Alleluja, alleluja.

*V.* Benedictus es, Domine, Deus patrum nostrorum, et laudabilis in saecula. Alleluja.

*V.* Benedicamus Patrem et Filium cum sancto Spiritu. Alleluja.

*Ante evangelium in medio altaris.* Munda cor meum ac labia mea, omnipotens Deus, qui labia Isaiae prophetae calculo mundasti ignito: ita me tua grata miseratione dignare

mundare, ut sanctum evangelium tuum digne valeam nuntiare. Per Christum Dominum nostrum. Amen.

**Jube Domine benedicere.**

Dominus sit in corde meo et in labiis meis: ut digne et competenter annuntiem evangelium suum. Amen. \*)

**Evangelium.**

**S.** Dominus vobiscum.

**M.** Et cum spiritu tuo.

**S.** Sequentia sancti evangelii secundum Joannem. **Joan. 15. d.**

**M.** Gloria tibi Domine.

In illo tempore, dixit Jesus discipulis suis: Cum venerit Paraclitus, quem ego mittam vobis a Patre, Spiritum veritatis, qui a Patre procedit, ille testimonium perhibebit de me: et vos testimonium perhibebitis, quia ab initio mecum estis. Haec locutus sum vobis, ut non scandalizemini. Absque synagogis facient vos: sed venit hora, ut omnis, qui interficit vos, arbitretur obsequium se praestare Deo. Et haec facient vobis, quia non noverunt Patrem, neque me. Sed haec locutus sum vobis, ut, cum venerit hora, eorum reminiscamini, quia ego dixi vobis.

**M.** Laus tibi Christe!

---

\*) In missa solemniter celebrans, dicto evangelio, benedicit incensum. Deinde diaconus genuflexus ante altare, dicit: „Munda cor meum,“ ut supra, petitque benedictionem



**S. Osculans evangelium:** Per evangelica dicta deleantur nostra delicta.

**Symbolum.**

Credo in unum Deum, Patrem omnipotentem, factorem coeli et terrae, visibilium omnium et invisibilium. Et in unum Dominum Jesum Christum, Filium Dei unigenitum. Et ex Patre natum ante omnia saecula. Deum de Deo, lumen de lumine, Deum verum de Deo vero. Genitum, non factum, consubstantialem Patri, per quem omnia facta sunt. Qui propter nos homines et propter nostram salutem descendit de coelis. Et incarnatus est de Spiritu sancto ex Maria Virgine, et homo factus est. Crucifixus etiam pro nobis sub Pontio Pilato, passus et sepultus est. Et resurrexit tertia die, secundum scripturas. Et ascendit in coelum: sedet ad dexteram Patris. Et iterum venturus est cum gloria, judicare vivos et mortuos: cujus regni non erit finis. Et in Spiritum sanctum, Dominum et vivificantem: qui ex Patre Filioque procedit. Qui cum Patre et Filio simul adoratur et conglorificatur: qui locutus est per prophetas. Et unam sanctam catholicam et apostolicam ecclesiam. Confiteor unum bap-

---

**a sacerdote, dicens:** „Jube domne benedicere“, **ad quod sacerdos respondet:** „Dominus sit in corde tuo et in labiis tuis, ut digne et competenter annunties evangelium suum: in nomine Patris et Filii et Spiritus sancti. Amen.“



tisma in remissionem peccatorum. Et exspecto resurrectionem mortuorum, et vitam venturi saeculi. Amen.

**S.** Dominus vobiscum.

**M.** Et cum spiritu tuo.

**Offertorium.**

**Tob. 12.**

Oremus.

Benedictus sit Deus Pater, unigenitusque Dei Filius, sanctus quoque Spiritus: quia fecit nobiscum misericordiam suam.

**Ad oblationem hostiae.** Suscipe sancte Pater, omnipotens, aeterne Deus, hanc immaculatam hostiam, quam ego indignus famulus tuus offero tibi, Deo meo vivo et vero, pro innumerabilibus peccatis et offensionibus et negligentis meis, et pro omnibus circumstantibus, sed et pro omnibus fidelibus christianis, vivis atque defunctis: ut mihi et illis proficiat ad salutem in vitam aeternam. Amen.

**Benedicens aquam.** Deus, qui humanae substantiae dignitatem mirabiliter condidisti et mirabilius reformasti: da nobis per hujus aquae et vini mysterium ejus Divinitatis esse consortes, qui humanitatis nostrae fieri dignatus est particeps, Jesus Christus Filius tuus, Dominus noster: qui tecum vivit et regnat in unitate Spiritus sancti Deus per omnia saecula saeculorum. Amen.

**Ad oblationem calicis.** Offerimus tibi Do-

mine calicem salutaris, tuam deprecantes clementiam: ut in conspectu divinae Majestatis tuae pro nostra et totius mundi salute cum odore suavitatis ascendat. Amen.

*Inclinatus super altare.* In spiritu humilitatis et in animo contrito suscipiamur a te Domine: et sic fiat sacrificium nostrum in conspectu tuo hodie, ut placeat tibi, Domine Deus.

*Benedicens oblata:* Veni Sanctificator omnipotens, aeternae Deus, et benedic hoc sacrificium tuo sancto nomini praeparatum.

*Ad Benedictionem incensi in missa solemni:* Per intercessionem beati Michaelis archangeli, stantis a dextris altaris incensi, et omnium electorum suorum, incensum istud dignetur Dominus benedicere, et in odorem suavitatis accipere. Per Christum Dominum nostrum. Amen.

*Ad incensationem oblatores:* Incensum istud a te benedictum, ascendat ad te Domine, et descendat super nos misericordia tua.

*Ad incensationem altaris:* Dirigatur Domine oratio mea, sicut incensum in conspectu tuo. Elevatio manuum mearum sacrificium vespertinum. Pone Domine custodiam ori meo, et ostium circumstantiae labiis meis: ut non declinet cor meum in verba malitiae ad excusandas excusationes in peccatis.

*Reddendo thuribulum:* Accendat in nobis

Dominus ignem sui amoris, et flammam aeternae charitatis. Amen.

*Ad lotionem manuum:*

**Psalmus 25.**

Lavabo inter innocentes manus meas: et circumdabo altare tuum, Domine.

Ut audiam vocem laudis: et enarrem universa mirabilia tua.

Domine, dilexi decorem domus tuae: et locum habitationis gloriae tuae.

Ne perdas cum impiis, Deus, animam meam: et cum viris sanguinum vitam meam.

In quorum manibus iniquitates sunt: dextera eorum repleta est muneribus.

Ego autem in innocentia mea ingressus sum: redime me, et miserere mei.

Pes meus stetit in directo: in ecclesiis benedicam te, Domine.

Gloria Patri et Filio et Spiritui sancto.

Sicut erat in principio, et nunc, et semper, et in saecula saeculorum. Amen. \*)

*In medio altaris sese inclinans:* Suscipe, sancta Trinitas, hanc oblationem, quam tibi offerimus ob memoriam passionis, resurrectionis et ascensionis Jesu Christi Domini nostri, et in honorem beatae Mariae semper Virginis, et beati Joannis Baptistae, et

\*) In missis pro defunctis, et tempore passionis in missis de tempore omittitur „Gloria Patri“ etc.

sanctorum apostolorum Petri et Pauli, et istorum, et omnium sanctorum: ut illis proficiat ad honorem, nobis autem ad salutem, et illi pro nobis intercedere dignentur in coelis, quorum memoriam agimus in terris. Per eundem Christum Dominum nostrum. Amen.

*Versus ad populum:* Orate, fratres, ut meum ac vestrum sacrificium acceptabile fiat apud Deum Patrem omnipotentem.

*M.* Suscipiat Dominus sacrificium de manibus tuis ad laudem et gloriam nominis sui, ad utilitatem quoque nostram totiusque ecclesiae suae sanctae.

*S.* Amen.

### *Secreta.*

Sanctifica, quaesumus, Domine Deus noster, per tui sancti nominis invocationem, hujus oblationis hostiam: et per eam nosmetipsos tibi perfice munus aeternum. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus:

### *Praefatio.*

*S.* Per omnia saecula saeculorum.

*M.* Amen.

*S.* Dominus vobiscum.

*M.* Et cum spiritu tuo.

*S.* Sursum corda.

*M.* Habemus ad Dominum.



**S.** Gratias agamus Domino Deo nostro.

**M.** Dignum et justum est.

Vere dignum et justum est, aequum et salutare, nos tibi semper et ubique gratias agere, Domine sancte, Pater omnipotens, aeterne Deus. Qui cum unigenito Filio tuo et Spiritu sancto unus es Deus, unus es Dominus: non in unius singularitate personae, sed in unius Trinitate substantiae. Quod enim de tua gloria, revelante te credimus, hoc de Filio tuo, hoc de Spiritu sancto sine differentia discretionis sentimus: ut in confessione verae sempiternaeque Deitatis, et in personis proprietas, et in essentia unitas, et in Majestate adoretur aequalitas. Quam laudant angeli atque archangeli, cherubim quoque ac seraphim, qui non cessant clamare quotidie, una voce dicentes:

Sanctus, sanctus, sanctus Dominus Deus Sabaoth. Pleni sunt coeli et terra gloria tua. Hosanna in excelsis. Benedictus, qui venit in nomine Domine. Hosanna in excelsis.

**Canon missae.**

**T**e igitur, clementissime Pater, per Jesum Christum Filium tuum, Dominum nostrum, supplices rogamus ac petimus; uti accepta habeas et benedicas haec dona, haec munera, haec sancta sacrificia illibata: in primis quae tibi offerimus pro ecclesia tua sancta catholica, quam pacificare, custodire, adunare et

regere digneris toto orbe terrarum, una cum famulo tuo papa nostro **N.**, et antistite nostro **N.**, et imperatore nostro **N.**, et omnibus orthodoxis atque catholicae et apostolicae fidei cultoribus.

*Commemoratio pro vivis.* Memento, Domine, famulorum famularumque tuarum **N.N.**, et omnium circumstantium, quorum tibi fides cognita est et nota devotio: pro quibus tibi offerimus, vel qui tibi offerunt hoc sacrificium laudis pro se suisque omnibus, pro redemptione animarum suarum, pro spe salutis et incolumitatis suae, tibi que reddunt vota sua aeterno Deo, vivo et vero.

*Infra actionem.* Communicantes et memoriam venerantes imprimis gloriosae semper Virginis Mariae, genitricis Dei et Domini nostri Jesu Christi: sed et beatorum apostolorum ac martyrum tuorum: Petri et Pauli, Andreae, Jacobi, Joannis, Thomae, Jacobi, Philippi, Bartholomaei, Matthaei, Simonis et Thaddaei, Lini, Cleti, Clementis, Xysti, Cornelii, Cypriani, Laurentii, Chrysogoni, Joannis et Pauli, Cosmae et Damiani, et omnium sanctorum tuorum: quorum meritis precibusque concedas, ut in omnibus protectionis tuae muniamur auxilio. Per eundem Christum Dominum nostrum. Amen.

*Manus tenens super oblata.* Hanc igitur oblationem servitutis nostrae, sed et cunctae

familiae tuae, quaesumus, Domine, ut placatus accipias, diesque nostros in tua pace disponas, atque ab aeterna damnatione nos eripi, et in electorum tuorum jubeas grege numerari. Per Christum Dominum nostrum. Amen.

*Benedicens oblata.* Quam oblationem tu Deus in omnibus, quaesumus, benedictam, adscriptam, ratam, rationabilem, acceptabilemque facere digneris: ut nobis corpus et sanguis fiat dilectissimi Filii tui, Domini nostri Jesu Christi.

Qui pridie, quam pateretur, accepit panem in sanctas ac venerabiles manus suas, et elevatis oculis in coelum, ad te Deum Patrem suum omnipotentem, tibi gratias agens, benedixit, fregit deditque discipulis suis, dicens: accipite, et manducate ex hoc omnes:

**Hoc est enim corpus meum.**

Simili modo postquam coenatum est, accipiens et hunc praeclarum calicem in sanctas ac venerabiles manus suas: item tibi gratias agens, benedixit, deditque discipulis suis, dicens: accipite et bibite ex eo omnes: **Hic est enim calix sanguinis mei, novi et aeterni testamenti, mysterium fidei: Qui pro vobis et pro multis effundetur in remissionem peccatorum.**

Haec quotiescumque feceritis, in mei memoriam facietis.



Unde et memores, Domine, nos servi tui, sed et plebs tua sancta, ejusdem Christi Filii tui, Domini nostri tam beatae passionis, nec non ab inferis resurrectionis, sed et in coelos gloriosae ascensionis, offerimus praeclarae Majestati tuae de tuis donis ac datis hostiam puram, hostiam sanctam, hostiam immaculatam, panem sanctum vitae aeternae, et calicem salutis perpetuae. — Supra quae propitio ac sereno vultu respicere digneris et accepta habere, sicuti accepta habere dignatus es munera pueri tui justi Abel, et sacrificium patriarchae nostri Abrahae, et quod tibi obtulit summus sacerdos tuus Melchisedech, sanctum sacrificium, immaculatam hostiam. — Supplices te rogamus, omnipotens Deus: jube haec perferri per manus sancti Angeli tui in sublime altare tuum, in conspectu divinae Majestatis tuae: ut, quotquot ex hac altaris participatione sacrosanctum Filii tui corpus et sanguinem sumpserimus, omni benedictione coelesti et gratia repleamur. Per eundem Christum Dominum nostrum. Amen.

*Commemoratio pro defunctis.* Memento etiam, Domine, famulorum famularumque tuarum **N. et N.**, qui nos praecesserunt cum signo fidei, et dormiunt in somno pacis. Ipsis Domine, et omnibus in Christo quiescentibus, locum refrigerii, lucis et pacis ut in-



dulgeas, deprecamur. Per eundem Christum Dominum nostrum. Amen.

Nobis quoque peccatoribus, famulis tuis, de multitudine miserationum tuarum sperantibus, partem aliquam et societatem donare digneris cum tuis sanctis apostolis et martyribus: cum Joanne, Stephano, Mathia, Barnaba, Ignatio, Alexandro, Marcellino, Petro, Felicitate, Perpetua, Agatha, Lucia, Agnete, Caecilia, Anastasia, et omnibus sanctis tuis: intra quorum nos consortium, non aestimator meriti, sed veniae quaesumus largitor admitte. Per Christum Dominum nostrum. — Per quem haec omnia, Domine, semper bona creas, sanctificas, vivificas, benedicis et praestas nobis. Per ipsum et cum ipso et in ipso est tibi Deo Patri omnipotenti in unitate Spiritus sancti omnis honor et gloria:

**S.** Per omnia saecula saeculorum.

**M.** Amen.

Oremus. Praeceptis salutaribus moniti, et divina institutione formati audemus dicere:

Pater noster, qui es in coelis: sanctificetur nomen tuum: adveniat regnum tuum: fiat voluntas tua sicut in coelo et in terra. Panem nostrum quotidianum da nobis hodie: et dimitte nobis debita nostra, sicut et nos dimittimus debitoribus nostris. Et ne nos inducas in tentationem.

**M.** Sed libera nos a malo.

**S.** Amen.

Libera nos, quaesumus, Domine, ab omnibus malis, praeteritis, praesentibus et futuris: et intercedente beata et gloriosa semper Virgine, Dei genitrice Maria, cum beatis apostolis tuis Petro et Paulo, atque Andrea, et omnibus sanctis, da propitius pacem in diebus nostris: ut ope misericordiae tuae adjuti, et a peccatis simus semper liberi, et ab omni perturbatione securi. Per eundem Dominum nostrum Jesum Christum Filium tuum, qui tecum vivit et regnat in unitate Spiritus sancti Deus:

**S.** Per omnia saecula saeculorum.

**M.** Amen.

**S.** Pax Domini sit semper vobiscum.

**M.** Et cum spiritu tuo.

*Particulam hostiae in calicem immit-*  
*tens:* Haec commixtio et consecratio corporis et sanguinis Domini nostri Jesu Christi fiat accipientibus nobis in vitam aeternam. Amen.

Agnus Dei, qui tollis peccata mundi, miserere nobis.

Agnus Dei, qui tollis peccata mundi, miserere nobis.

Agnus Dei, qui tollis peccata mundi, dona nobis pacem. \*)

\*) In missis defunctorum non dicitur, „miserere nobis,“

Domine Jesu Christe, qui dixisti apostolis tuis: pacem relinquo vobis, pacem meam do vobis: ne respicias peccata mea, sed fidem ecclesiae tuae, eamque secundum voluntatem tuam pacificare et coadunare digneris: qui vivis et regnas Deus, per omnia saecula saeculorum. Amen. \*)

*In missa solemni, si danda est pax:*

*S.* Pax tecum.

*M.* Et cum spiritu tuo.

Domine Jesu Christe, Fili Dei vivi, qui ex voluntate Patris, cooperante Spiritu sancto, per mortem tuam mundum vivificasti: libera me per hoc sacrosanctum corpus et sanguinem tuum ab omnibus iniquitatibus meis et universis malis: et fac me tuis semper inhaerere mandatis, et a te nunquam separari permittas: qui cum eodem Deo Patre et Spiritu sancto vivis et regnas in saecula saeculorum. Amen.

Perceptio corporis tui, Domine Jesu Christe, quod ego indignus sumere praesumo, non mihi proveniat in iudicium et condemnationem, sed pro tua pietate prosit mihi ad tutamentum mentis et corporis, et ad medelam percipiendam: qui vivis et regnas cum Deo Patre in unitate Spiritus sancti Deus, per omnia saecula saeculorum. Amen.

*sed ejus loco:* „dona eis requiem“ *et in tertio:* „dona eis requiem sempiternam.“

\*) *In missis defunctorum haec oratio omittitur.*

Panem coelestem accipiam, et nomen Domini invocabo.

Domine, non sum dignus, ut intres sub tectum meum: sed tantum dic verbo, et sanabitur anima mea.

Domine, non sum dignus, ut intres sub tectum meum: sed tantum dic verbo, et sanabitur anima mea.

Domine, non sum dignus, ut intres sub tectum meum: sed tantum dic verbo, et sanabitur anima mea.

Corpus Domini nostri Jesu Christi custodiat animam meam in vitam aeternam. Amen.

Quid retribuam Domino pro omnibus, quae retribuit mihi? Calicem salutaris accipiam, et nomen Domini invocabo. Laudans invocabo Dominum, et ab inimicis meis salvus ero.

Sanguis Domini nostri Jesu Christi custodiat animam meam in vitam aeternam. Amen.

Quod ore sumpsimus, Domine, pura mente capiamus: et de munere temporali fiat nobis remedium sempiternum.

Corpus tuum, Domine, quod sumpsi, et sanguis, quem potavi, adhaereat visceribus meis: et praesta, ut in me non remaneat scelerum macula, quem pura et sancta refecerunt sacramenta: qui vivis et regnas in saecula saeculorum. Amen.



**Communio.**

Benedicamus Deum coeli, et coram omnibus viventibus confitebimur ei: quia fecit nobiscum misericordiam suam.

**S.** Dominus vobiscum.

**M.** Et cum spiritu tuo.

**Postcommunio.**

Proficiat nobis ad salutem corporis et animae, Domine Deus noster, hujus sacramenti susceptio: et sempiterna sanctae Trinitatis ejusdemque individuae unitatis confessio. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus: per omnia saecula saeculorum.

**M.** Amen.

**S.** Dominus vobiscum.

**M.** Et cum spiritu tuo.

**S.** Ite, missa est. **Vel:** Benedicamus Domino.

**M.** Deo gratias. \*)

Placeat tibi, sancta Trinitas, obsequium servitutis meae, et praesta: ut sacrificium, quod oculis tuae Majestatis indignus obtuli, tibi sit acceptabile, mihi que et omnibus, pro quibus illud obtuli, sit te miserante propitiabile. Per Christum Dominum nostrum. Amen.

\*) In missis defanctorum: Requiescant in pace. **M.** Amen.

*Benedicens populum:* Benedicat vos omnipotens Deus, Pater et Filius et Spiritus sanctus.

*M.* Amen.

*S.* Dominus vobiscum.

*M.* Et cum spiritu tuo.

*S.* Initium sancti evangelii secundum Joannem.

*M.* Gloria tibi Domine.

In principio erat Verbum, et Verbum erat apud Deum, et Deus erat Verbum. Hoc erat in principio apud Deum. Omnia per ipsum facta sunt: et sine ipso factum est nihil, quod factum est. In ipso vita erat, et vita erat lux hominum: et lux in tenebris lucet, et tenebrae eam non comprehenderunt. Fuit homo missus a Deo, cui nomen erat Joannes. Hic venit in testimonium, ut testimonium perhiberet de lumine, ut omnes crederent per illum. Non erat ille lux, sed ut testimonium perhiberet de lumine. Erat lux vera, quae illuminat omnem hominem venientem in hunc mundum. In mundo erat, et mundus per ipsum factus est, et mundus eum non cognovit. In propria venit, et sui eum non receperunt. Quotquot autem receperunt eum, dedit eis potestatem filios Dei fieri, his, qui credunt in nomine ejus, qui non ex sanguinibus, neque ex voluntate carnis, neque ex voluntate viri, sed ex Deo nati

sunt. Et Verbum caro factum est, et habitavit in nobis: et vidimus gloriam ejus, gloriam quasi Unigeniti a Patre, plenum gratiae et veritatis.

*M.* Deo gratias.

## Hymnus Ambrosianus.

**T**e Deum laudamus: te Dominum confitemur.  
 Te aeternum Patrem omnis terra veneratur.  
 Tibi omnes Angeli: tibi coeli, et universae potestates:  
 Tibi Cherubim et Seraphim incessabili voce proclamant:  
**S**anctus, **S**anctus, **S**anctus Dominus Deus Sabaoth.  
 Pleni sunt coeli et terra majestatis gloriae tuae.  
 Te gloriosus Apostolorum chorus,  
 Te Prophetarum laudabilis numerus,  
 Te Martyrum candidatus laudat exercitus.  
 Te per orbem terrarum sancta confitetur Ecclesia,  
 Patrem immensae majestatis,  
 Venerandum tuum verum et unicum Filium,  
 Sanctum quoque Paraclitum Spiritum.  
 Tu Rex gloriae Christe.  
 Tu Patris sempiternus es Filius.  
 Tu ad liberandum suscepturus hominem, non horruisti Virginis uterum.  
 Tu devicto mortis aculeo, aperuisti credentibus regna coelorum.  
 Tu ad dexteram Dei sedes, in gloria Patris:  
 Judex crederis esse venturus.  
 Te ergo quaesumus, tuis famulis subveni, quos pretioso sanguine redemisti.  
 Aeterna fac cum sanctis tuis in gloria numerari.  
 Salvum fac populum tuum, Domine; et benedic haereditati tuae.

Et rege eos: et extolle illos usque in aeternum.  
Per singulos dies benedicimus te.

Et laudamus nomen tuum in saeculum, et in saeculum saeculi.

Dignare, Domine, die isto sine peccato nos custodire.  
Miserere nostri, Domine: miserere nostri.

Fiat misericordia tua, Domine, super nos: quemadmodum speravimus in te.

In te, Domine, speravi: non confundar in aeternum.

**V.** Benedicamus Patrem et Filium cum sancto Spiritu.

**R.** Laudemus et superexaltemus eum in saecula.

**V.** Domine exaudi orationem meam.

**R.** Et clamor meus ad te veniat.

**V.** Dominus vobiscum.

**R.** Et cum spiritu tuo.

**D**

Oremus.

Oratio.

eus, cujus misericordiae non est numerus, et bonitatis infinitus est thesaurus: piissimae Majestati tuae pro collatis donis gratias agimus, tuam semper clementiam exorantes; ut, qui petentibus postulata concedis, eosdem non deserens ad praemia futura disponas. Per Dominum.


**R.** Amen.

**V.** Divinum auxilium maneat semper nobiscum.

**R.** Amen.







264.02 - 04/12 - 06/2

